

武寧縣志卷之八

武寧縣知縣滇南李

公署

倉儲 建置附 田賦後今遺通志改訂

梁志公署附城池



堂堂冰署上棟下宇戴星鳴琴風雨攸除毋曰傳舍惟其燕處撫字保障曰毋曰父文職教養武戢弁伍寇竹召棠蒼生所護官有常司民以安堵爰建倉儲輸將比戶常平社穀綱繆積貯武城山陬咸急義舉養送道推焚獨得所花落庭閒於焉歌舞志公署

縣署

舊在高鄉西安里唐景雲初東遷於羅村饒灣之間今新

縣地 通志

唐元宗天寶四年縣令范建殊始遷縣城於玉枕山前即

今縣治公署規制不可攷

梁志

宋神宗元豐間縣令呂晉夫建東軒於廳左太史黃庭堅有銘

見藝文

紹興五年縣令上官世美重建縣署

淳熙十年縣令洪楨重修改東軒爲絃歌堂

以上梁志

案洪楨通志與府志職官同惟府志建置作櫺梁志作櫺均悞

元至正壬辰土寇張普獻陷城縣署燬

明洪武元年知縣但元行建大堂儀門幕廳各三間東西吏房各七間架閣庫三間堂後爲縣署東爲縣丞署西爲主簿署東南爲典史署又南爲預備倉土地祠西爲吏舍又南爲獄

洪武二年知縣盛文郁重加興繕措置完備堂曰平政

以上

梁志

明洪武二年興繕一次通志遺

成化元年知縣余希賢重建大堂三間後堂五間左爲鈔房右爲庫房

成化十四年知縣王儵建譙樓五間

成化二十一年知縣馮琦重建架閣庫三間譙樓外東建旌善亭三間傍房十三間西建申明亭三間傍房十一間

以上梁志

按成化二十一年重建一次通志遺

宏治十四年知縣林本淵重修改舊制其後知縣毛駸陸

浚梁齋遞加修葺

梁志

按宏治十四年重修一次通志遺

嘉靖二十一年知縣唐牧於廳前東西立角門儀門外東西立傍門於譙樓前東闕陰陽學地爲申明亭西闕醫學地爲旌善亭堂後建軒曰退食又後建樓曰保寧樓東西爲廂房署西爲書房鑿池藝菊曰政餘樂地

萬歷四年知縣胡東陽重修儀門改東西從門於儀門內申明旌善二亭循次續修煥然一新

萬歷七年知縣高熾建迎賓館於儀門內以禮賢士三十二年知縣李呈芳於預備倉前建廳中設土地象外爲客舍曰開過軒三十七年知縣周道昌改川堂創官廳曰體仁堂刊清慎勤箴爲四列於四壁橫設磚牆中開宅門題曰極懸咫尺又於保寧樓前建廳曰公暇堂三

十八年知縣張茂柏易譙樓爲八字牆新創大門中爲層級又爲甬道改申明亭爲譙樓

四十七年主簿奉裁署廢 以上梁志

按萬歷四年七年三十八年修建三次通志遺

天啟間縣堂朽腐知縣徐士華修

崇禎間知縣徐鳴時以主簿基前半爲典史署後半立社倉未幾倉廢

國朝順治二年流賊自九江突入城陷土寇柯黨繼肆焚掠廳宇庫冊皆燬

順治四年知縣任天祚議將八甲里長免役出費上請修建報可會金聲桓之亂叛將鄧雲龍據城天祚解組去不果及大將軍譚泰來討雲龍降順武邑以平署縣夏

遵虞集材鳩工堂宅後樓一時並建卽今縣署

以上梁志

按萬歷四十七年以下武邑以平以上通志遺

順治十年知縣王道隆修葺庫房

順治十四年知縣顏默內衙失火延燒保寧樓及東西書房旋復建

康熙元年知縣馮其世捐俸重修儀門庫樓東西書吏房十一間並增修衙舍四年於保寧樓舊基建樓曰躋寧教諭湯民貞記

雍正五年大堂圯知縣方聲亮重建九年知縣吳之彥移頭門少却近北於頭門舊址建屏牆

乾隆二年又於儀門內建

上諭坊重修東西吏書房十二年知縣嚴在昌於照牆外分

建申明旌善二亭十九年知縣鄒應元於川堂東西添建廊房四十年知縣梁鳴岡捐俸重修川堂及東西吏書房又內署西廂房五間四十四年詳請修建大堂五十年石讚韶捐廉修建頭門外屏牆添兩柵左輯武右牧寧二門並申明亭及兩廊科房內署東書房四間嘉慶四年知縣王寰詳請重修頭門一間官廳一間十六年知縣許敦仁詳請重修二堂三間書房五間署內住房五間

據冊新增

道光二年知縣陳雲章捐俸重修屏牆至大堂等處八年內署火延燒至內宅門知縣盛思信捐修十年內署復火延燒至內宅門封翁張紹璣捐修是年知縣秦緝武詳請重修大堂至頭二門

縣丞署

國朝順治十年縣丞羅國紳建署於典史署舊基移預備倉於丞署舊址尋復其初

乾隆三十九年廳堂朽腐縣丞金明達捐俸重修梁志

嘉慶十一年於署左建公館一所共八間新增

學署詳學校志梁志

主簿署今裁通志

木高署在年豐鄉乾隆二十二年奉

旨縣丞分駐木高建廳一間頭門一間內署三間梁志

嘉慶年間縣丞傅宗敏重修新增

道光二十二年縣丞張鳳輝因木高舊署久壞兼之地形

平塌移請遷建知縣王捐廉倡首本都紳耆捐資集事

相地於高居寺左首購寺僧基二十三年移建新增

高坪署即高坪公館今裁

典史署在主簿舊署南按通志在縣丞廨南誤

高坪公館在年豐鄉久廢其地爲巡司署今裁

烟港公館在北鄉久廢 磨崖公館在安樂鄉久廢

河山公館在下南鄉久廢 羅溪公館在上南鄉久廢

稅課司明洪武間立正統間奉裁署址不知所在

陰陽學在縣署東明嘉靖間改建旌善亭

醫學在縣署西明嘉靖間改建申明亭以上梁志

營署

明崇禎七年新設守備建署於布政分司舊址營官鄧禪

建正堂一間後堂三間衙署三間頭門一間兩橫廳內

書房廚房

國朝康熙四年守備房光先增修廳堂左右廊房各五間內署十間周繚以垣建鼓樓

康熙五十六年守備扈養肅於川堂左建客廳曰文聚

乾隆八年都司李大威重建大堂川堂文卷房班房

以上梁志

把總分駐箬溪汛

外委分駐太平山汛署三間

額外外委無署以上新增

校場

一外校場舊在東郊中有演武亭三間大門三間房五間宏治間知縣林本淵建嘉靖時唐牧重修繚以周垣萬歷間胡東陽復修旁有古松婆娑蒼鬱

國朝順治間營官徐大濟左立馬王廟右立關帝廟康熙四十年守備房光先創東西轅門馬道修理演武亭關帝等廟雍正間都司鄒世權遷於大洋洲亭屋遂廢

乾隆三十四年知縣黃泌都司鄧崑建演武亭後被水冲至三十五年知縣梁鳴岡都司孫受復建築土爲臺高三尺旁夾以牆爲廳堂一退室三廂房規制始備

一內校場前明崇禎七年營官鄧禪建署始於二門外左建關帝廟

康熙四年守備房光先增建馬王廟乾隆十六年都司楊炤建校射三間於按察分司地

四十四年都司線坦以左右二廟在署嫌爲瀆褻改建關帝廟於內校場台祀馬王火神特立廟門匾曰三聖

又東門內司前街合營創建公館計屋十三間坐北向
南以上梁志

倉儲附

市鎮倉卽常平倉舊在典史宅東嘉靖三十二年知縣唐
牧建名預備倉今建於左右二廳署前 梁志

按嘉靖三十二年以下通志遺

常平倉在頭門內計四十間貯穀一萬二千石 府志

常平倉廩四所一在公署大堂東排三間一在大堂西排
三間一在二門內東排三間一在頭門內東排八間又
七間西排七間又七間合共三十八間貯穀一萬二千
石嘉慶四年知縣王寰詳請重修八年知縣劉照藜詳
請重修道光元年知縣言朝樾詳請重修 據冊新增

西鎮倉卽漕倉在縣西門內

南鎮倉在縣南市原建巾口後遷

東鎮倉原建巾口後改遷縣治看鶴橋東順治十一年知

縣王道隆折東南二倉并於西倉南東二倉廢基存

按順治四年生員盧之鳳等以縣下都里逆運爲不
便具呈請立便埠凡東南二倉漕糧與各市鎮相近
者就本埠兌船皆單首經收交官驗解如東倉之三
都八都於梅林劉魯兩埠交兌五都六都七都十一
都於巾口埠交兌一都二都四都九都十都十二都
於箬溪埠交兌南倉之四十八都於巾口交兌四十
九都於郭家埠下灣兩處交兌五十都五十一都於
中黃埠交兌五十二都五十三都五十四都於三碛

埠交兌此便埠所由來也又東倉十三都以地接瑞昌興國之遙路阻馬脊羊腸之險不但赴縣爲艱卽循便埠亦不易緣於康熙初年呈請在省買米兌倉名曰省次旣免挑運之勞又無風波之慮詳上報可遂爲定例二者俱便於民洵屬良法美意云

以上梁志

按後改遷縣治東以下通志遺

湖灘倉在下南鄉久廢

舊西鎮倉在年豐鄉久廢

廉鎮倉在上南鄉久廢

學倉明知縣胡東陽建於明倫堂學已再遷但存其名

淮兌水次倉卽省倉向在德勝門外隆興觀上萬歷三十

七年知縣周道昌買建因水次當江流險處崇禎間售

價改遷隆興塘側旋以木料被焚不果今董中丞講堂卽其地也

順治十一年知縣王道隆將各里工費銀二千餘兩給義

民張積懷等買劉宦惠民門外地建正廳官房耳房頭

門倉屋二十七間共費銀一千二百八十兩剩銀貯庫

後署令張羽明復將貯銀二百九十七兩續買劉姓空

基增造正廳廂房土地祠及倉屋二十七間共前五

四間嗣後歷任每年修葺乾隆二十九年知縣萬友正

派修煥然一新五十年知縣石讚韶詳修嘉慶十三年

知縣許敦仁詳修上下廳堂頭門一十八間倉廩一

六間道光二年知縣陳雲章通詳大修共費銀九百九

十七兩一錢三分二釐除請領解存倉費銀六百二十

兩五錢三分九釐捐補銀三百七十六兩有奇

按武寧倉儲建廢不一遷移無定然必存其名者今

昔異宜不得以今之便謂古人之非也惟淮兌水次

一倉明季漕運多損於洪波官民均受其困自王令

擇建之後其遺惠為無窮焉至漕糧起運舊志武寧

官徵民解官徵官解不一嘉慶十年以前單首經收

交官驗解縣西南順流者歸西倉縣東北逆挽者歸

便埠遵行盧之鳳舊案實為官民兩便嗣于嘉慶十

一年起奉 憲不必由縣驗米合花戶親身運省交

官驗收兌軍里民重受其累後之覽者留意焉

城市社倉四間

在學宮右側一區二圖二十三都合建
貯穀三百九十石七斗四升五合六勺

陂田河社倉五間

一都二都四都六都七都八都合建
貯穀四百一十三石九斗四升一合

栗嶺社倉二間

四十七都四十九都合建
貯穀一百一十四石二斗一升九合

中潢社倉三間

五十都建
貯穀二百九十七石八斗五升六合

大樹坪社倉二間

五十一都五十二都五十三都合建
貯穀一百六十七石五斗七升六合

烟港社倉三間

二十六都二十七都合建
貯穀一百三十七石九升八合

界背社倉三間

二十八都二十九都三十都合建
貯穀一百九十二石一斗九升三合

三賢墩社倉三間

二十三都建
貯穀三百九十三石八斗九升八合

木高社倉四間

三十一都三十二都三十三都合建
貯穀二百六十三石一斗七升九合

高坪社倉三間

二十八都五遷建
貯穀四百四十七石六斗四升六合

清江社倉三間

三十八都建
貯穀一百八十一石六斗四升六合

石市社倉二間

三十四都三十五都合建
貯穀一百六十五石五斗四升二合

舖子場社倉三間

三十六都四十一都合建
貯穀一百四十一石四斗七升五合

沙田社倉三間

四十三都四十四都合建
貯穀二百八十六石一升三合

路口社倉二間 十六都十七都十八都二十都合建

大橋河社倉二間 十一都十二都十三都十五都合建

按社穀原貯社正副家凡四十處向無公倉乾隆三十二年黃令奉文支息建總倉十六所歸併適中以便民借今各倉共貯穀三千九百九十七石二斗一升七合六勺收放皆社正副經理尚存備荒遺意焉

以上
梁志

建置附

上諭亭在 文廟右乾隆三年知縣吳之彥建規模狹隘不稱

觀瞻道光三年試用教職張紹璣輸金重建知縣陳雲章有記見藝文

武寧公宇一在江省惠民門外水次漕倉之右屋六間基地一片左聯漕倉右抵沙河廟北界范姓公牆南至河水自嘉慶甲戌邑人捐金購得兌漕之民藉以蔽風雨

安舟楫其利溥焉誠義舉也一在吳城後河舊圓通菴地縱二十三丈橫十三丈邑士商建中會館三重左圓通菴二重菴左賓館二重右憩思廚房廚房前為闌闌隆平知縣邑人王子音有記見藝文

京師武寧試館在永定門內北蘆草園嘉慶辛酉太僕寺正卿邑人盧浙偕紳士捐買舊屋七間乙丑重建四間

計共十一間館基縱橫約七八丈 道光庚子年將買契付舉人李若瑤手收

文塔在東渡平岡上嘉慶丙辰知縣朱聖哲諭士民捐建凡七級甲子知縣劉照黎諭士民重修三級增高二級凡九級朱令通形家言建塔後邑科第寢盛士民咸德之朱有文峯塔記知縣言朝樾有重修文峯塔記俱見

藝文

普濟堂在縣治東倉塲基內乾隆二十九年建知縣萬友

正奉文勸捐額編口糧八名每日給銀一分八釐

乾隆二十九年歲貢生潘淳輝貢生潘崇桂監生翁顯

祖各捐銀一百二十兩共銀叁百六十兩置買登高山

田一十六畝九分科糧一石一斗八升三合孟家灣秋

地一十七畝科糧二斗七升二合乾隆三十三年知縣

黃泌買鳳口墩水田四畝六分科糧三斗二升二合下

埠堰水田五畝三分科糧三斗七升一合三十四年買

墩裏水田二畝三分科糧一斗六升一合樓下水田二

畝科糧一斗四升東山嶺水田二畝八分科糧一斗四

升九合三十五年買青溪墩水田一畝科糧七升斗山

下水田一畝六分科糧一斗一升二合又貢生翁蘭里

民張觀化捐獻孟家灣秋地一十一畝七分科糧三斗

一升四合程汪度捐獻大塘下田五畝五分科糧三斗

八升五合

府志遺梁志亦誤載育嬰堂項下今改正

舊存田畝租額佃戶姓名

程汪度捐田五畝五分土名大塘下正米三斗八升五

合額租入石一斗四升佃戶萬祚珩額租一石八斗吳

貽岸額租二石七斗二升廖廷輝額租一石九斗二升

張毓南額租一石七斗折繳錢八百五十文歲貢生潘

淳輝貢生潘崇桂監生翁顯祖各捐銀一百二十兩共

計三百六十兩 乾隆二十九年買田一十六畝九分

土名登高山正米一石一斗八升三合內丈缺四畝五

分實存田一十二畝四分額租六石二斗七升佃戶張志誦折繳九二錢四千零三十二文 三十三年知縣黃泌買田四畝六分土名鳳口正米三斗二升二合額租五石零一升六合佃戶喻映霞額租一石五斗蕭旺業額租一石五斗喻祥能額租二石一升六合折繳九二錢一千二百文買下埠堰水田五畝三分正米三斗七升一合又買墩裡水田二畝三分正米一斗六升一合又買樓下水田二畝正米一斗四升共額租十七石七斗因田被水冲廢臨田均分佃戶張映冰每年約分租谷四石買東山嶺水田二畝八分正米一斗四升九合額租五石五升五合佃戶余勝康買青溪墩水田一畝正米七升額租一石八斗佃戶劉景瑄買斗山水田

一畝六分正米一斗一升二合額租二石八斗四升佃戶盧宜增廩生翁蘭里民張觀化捐孟家灣秋地一十一畝七分正米三斗一升四合又買孟家灣秋地一十七畝正米二斗七升二合每年共納粟地租二十三石一斗二升內除觀音閣粟租一石一斗四合爲燈油實收九九錢一十二千七百七十文申九二錢一十三千六百二十七文佃戶韋世煜完租二石余勝論完租一石九斗三升六合韋世照完租一石三斗六升韋明鏡完租二石零三升韋兆賢完租四石八斗余道福完租一石六斗余步雲完租二石八斗汪輝顏完租六斗八升余勝考完租六斗八升蕭斗元完租二石零六升五合張志洪完租二石零六升五合

以上共田四十六畝三分共地二十八畝七分田地
共科正米三石四斗七升九合查與梁志所載相符
現在每年實收租穀二十四石八斗三升五合又實
收折租九二錢一十九千七百零九文

按梁志普濟堂項下止載田地米數而不及租額佃戶
姓名今從歷任移交征冊查明現在實收錢租數目詳
著於篇以備查考

梁志已修後續捐並列于左

監生張紹太捐田八分計三號土名長巷裡園額租一
石二斗佃戶張志謨折繳九二錢八百四十文

丈出

張可運
趙日高

田土名南鄉下柳橋頭三畝八分七釐計

六號額租四石八斗佃戶劉玉彩完租一石二斗折繳

九二錢七百二十文張方栢完租三石六斗折繳九二
錢一千八百文

以上共田四畝六分七釐實收折租錢三千三百六
十文

育嬰堂在普濟堂東乾隆二十九年知縣萬友正建乾隆

五十五年生員胡中清民人張爾希共捐銀九十三兩

置田六畝五分內五畝五分坐落土名下埠村佃戶張

幹夫承耕額租九石九斗又田一畝坐落土名沙田墩

佃戶李崇祥承耕每年折繳九二錢九百文 乾隆五

十八年監生余卓林余茂林共捐銀一百四十兩生員

余謙光監生程式共捐錢八十千文 嘉慶十七年知

縣陳瑞球因該堂與普濟堂相連房屋坍塌稟 府將

余卓林等捐存銀錢提出與普濟堂併葺今尙完固據冊新增

道光三年知縣陳雲章奉 各憲通行勸諭合邑捐輸更立章程廣爲養育有記見藝文

酌定收養支銷章程

一經費蒙

撫憲程 捐銀貳百兩又本縣捐銀壹百兩共銀叁百兩發通裕典生息每月取利壹分歲得銀利叁拾陸兩每兩柒陸申玖貳錢肆拾柒貫叁百陸拾捌文按季提取以應支用至各鄉樂輸原與書院一併捐助今酌撥錢貳千貫發通裕典生息每月取利壹分歲得利錢貳百肆拾貫按季提出支用

一育嬰堂乾隆二十九年縣萬友正建造坐落東關內五十五年生員胡中清民人張爾希共捐銀九十三兩置田六畝五分五十八年監生余卓林余茂林共捐銀一百四十兩生員余謙光監生程式共捐錢八十千文俱存縣庫至嘉慶十七年前縣陳瑞球任因內房屋坍塌稟 府將余卓林等捐存銀錢儘數提用以爲修葺之需現在祇存生員胡中清等捐置田六畝五分內五畝五分坐落土名西關外下埠村佃戶張幹夫承耕額租九石九斗因田土磽薄每年臨田均分所收實穀二石八九斗及三石二三斗不等又田一畝坐落土名沙田墩佃戶李崇祥承耕每年折繳九二錢九百文除完納錢漕外所餘租銀每年本止一兩數錢而交代案內

仍作額租一十一石七斗扣算不足之數官爲捐補故
每年有餘剩銀五兩數錢自乾隆五十五年起至道光
元年止歷任移交租穀銀一百九十四兩二錢四分八
釐因未收養嬰孩是以存貯縣庫又本縣任內徵收道
光二三年租穀照歷任捐補之數存銀一十一兩今
一併提出發通裕典生息貳其本銀貳百零伍兩貳錢
肆分捌釐每月取利壹分歲得利銀貳拾肆兩陸錢叁
分每銀壹兩柒陸申玖貳錢叁拾貳貫肆百零柒文按
季提取統歸經費項下支用

一收養嬰孩自應遍及惟以上各項銀錢存典生息歲止
共收息錢叁百壹拾玖貫柒百柒拾伍文經費未充若
不定以額數未免心有餘而力不逮今酌定五十名爲
額以示限制而杜冒濫

一省會堂費較充屋宇宏敞一切收養事宜易於爲力若
外縣則屋宇無多僱募乳養少婦羣居最難防範兼以
地方偏仄濕熱薰蒸小兒易生疾病若房舍另籌寬大
則目前經費祇設堂而於乳哺之資轉致竭蹶是以
前奉

大憲批示因地制宜不必斤斤設堂總期有濟而止查
武邑嬰堂僅止八間若每婦乳養二名須得二十五名
乳婦房屋不敷居住且恐有前項等弊今酌爲變通以
收養嬰孩抱與城居乳婦地近而查察易周費省而保
全更大較之設堂似爲妥善如此後經費擴充另有爽
塏之處仍應設堂以符體制

一收養事宜先擬紳士經營嗣須另設公所籌給薪米等項又滋糜費故仍官爲經理以歸簡易

一 生孩之家貧乏不能自養令其親屬報明隣保具結赴縣稟報每嬰孩一名先給錢一千文滿月之後或本生父母自行撫育填給執照每月給錢三百文若遺棄小兒有收養者亦赴縣報明抱寄城居乳婦哺養每月給錢五百文填給執照自行撫育者填明本生父母姓名住處抱養者添註乳婦并其夫姓名住處仍立花名總冊存縣備查每月只著人持照請給以免本婦僕僕往來一年內又須三月一次抱孩持照投驗發給察其是否實心以小兒之肥瘠定本婦之勤惰所哺肥健者量爲給賞黃瘦者酌罰工食如有疾病另需醫藥額外酌

給以二十四個月爲止倘有混冒情弊查出將本夫懲

處年終將收支各數逐款開列榜示

一收養遺棄小兒如係男孩有赴縣具結情願領養者但從其姓不得嗣其宗若係女孩或抱爲養女或養作童媳亦取結狀備查均不得將良作賤流爲奴婢違者查出重究

一現定章程係按歲收利息核計支銷倘將來提回存項置買田產除完錢漕外月利不及一分則度支事宜又當斟酌損益隨時辦理或更有好義者陸續捐輸則規模又當再擴

一收養嬰孩如不及五十名之數所餘經費併歸書院支銷以昭核實

一縣屬地方遼濶自數十里至數百里之遙貧民襁負其子赴城寄養未免僕僕道途且經費有定勢難遍及查民間多聚族而居設有宗祠置有祠產自應遵照

憲諭以祭產之有餘收養本家貧苦嬰孩以敦族誼至周濟錢穀數目聽其自行經理

一樂善好施人有同心一鄉一村之中不乏慷慨施與之人應遵

大憲頒發章程各立善舉量力捐助買備義穀廣爲收養以惠窮黎以敦任卹至出入數目亦聽各鄉村司事自行經理

一嘉善褒功著有成典士民中有出自己貲共襄義舉行之悠久者由本族本村人公稟查實給予匾額動用祠產羨餘者旌其祠各出己資者旌其門以昭激勸

養濟院在縣治北門外成化元年知縣余希賢始建成化末馮琦重建院屋三十四間萬歷初胡東陽重修順治二年流賊焚燬至雍正間知縣方聲亮於舊基建屋數十間又乾隆八年知縣吳之彥別立痲瘋院於大洋洲建屋五間後因洪水衝廢復於北門外得民地一區建屋五間 以上梁志

按後因洪水衝廢以下府志遺

額養孤貧五十五名口糧於地丁銀內撥給 府志

考棚在城北縣署後道光十七年封翁張紹璣命男向斗向仁購基新建是年五月興工次年三月告竣宏敞堅固共費銀一萬五千三百四十五兩零邑紳士稟請詳

轉奉 部請

旨議敘邑庠張向斗議敘通判州同張向仁議敘同知事詳
府尹張新建考棚碑記見藝文初張尹倡捐制錢三百
千檄縣令林懋勳縣丞張鳳輝勸捐公建既得封翁獨
任其事繳還倡捐錢項重奉札諭此項改捐正誼書院
詳書院門其後合邑士子於考棚上重設龕僉題封翁
生主供奉其上

游藝堂在府學

聖廟右側長樂鄉舒九萬主修舊規歲科試學官書斗及本
鄉生童寓鄉試本鄉科生及辦考書斗公寓道光十六
年 府憲張建洪都書院於學右諭令八屬之八堂改
歸洪都書院爲正課生童所肄業比經貢生盧定醇等
酌議稟詳凡歲科鄉試限期空盡只許本鄉入寓餘月
除橫屋并正屋西邊廳房兩間外別鄉生童必俟取列
正課本人方准搬入其附課者不得爭執等情詳案立
碑

八鄉賓興會館在正誼書院之陽棟宇軒敞煥乎大觀閣
祀

文昌閣下寢室奉捐主八鄉者城市昇仁北鄉年豐順義上
南下南江陰是也餘詳會館碑記有圖見首卷記見藝
文

前明勅建崇祀忠賢祠按察司僉憲方孟縉石坊于縣治
前屏牆外中街道光八年裔孫教職方觀稟請重修勒
碑坊上基址高廣丈尺具存案冊

道光年間邑令王師道於縣署左運塘隙地築相照園園
環塘周遭嵌小石路間以假山塘中起草亭通木橋繞
紅欄橋下種紅白千葉蓮花亭外截塘之半養魚北建
樓曰文光南建閣曰秋香西曰友竹山房計若干間東
曰聊借一枝樓計一間然皆面塘園勝在塘也永新殿
撰劉繹暨師道均有記

武寧縣志卷之九

武寧縣知縣滇南李 珣纂

書院

傳經刻石教始先儒在鄉在國各有攸居武雖山邑俗
尚詩書雲龍柳阜遺澤未渝錫山賢宰廣召生徒朝元
廢址乃闢乃除西園東壁風雨吾廬今茲樂育載啟宏
圖士安絃誦野拓菑畬藏修游息文教誕敷志書院
柳山書院縣西南三十里柳山上唐柳渾居此築室讀
書宋紹興間里人陳功顯卽其地闢書院開慶間燬於
兵功顯之孫時章重建元季復燬明成化二十一年知
縣馮琦重建一名柳貞公祠見古蹟

雲龍書院明萬歷十一年知縣陳子侃買地於修江之

東南湖上創講堂一所會膳一所廚房一所書屋四十間地濱水十六年知縣朱士佳遷西門東岳廟於東門移書院於龍潭上曰雲龍書院今廢

國朝

豫寧書院在縣東門內民人汪子旺原捐朝元宮廢址乾隆十八年知縣鄒應元以義學久廢鼎新建造規制宏敞墻垣周密越兩歲乃竣工中爲大堂三間曰敬業堂堂後掌教廳三間東齋九間客房四間西齋九間廚房二間頭門三間東西門房各三間凡三十九間其屋自後墻至頭門一十五丈自東墻至西墻十丈五尺又頭門外餘基原貢生潘崇桂別業僉議與金二百餘兩不受迺召匠拆屋以其地獻計橫五丈深七丈二尺又後墻至掌教廳後簷計三丈橫九丈有奇原生員雷至剛住屋後園知縣鄒應元勸諭獻出以作餘基與金弗受書院之役董其事者監生盛大猷羅彥余致治生員陳鳳騰杜錦余必遇邑令鄒應元有記見藝文張博園上南鄉人乾隆四十八年捐建講堂坐號東西各四所 講堂知縣石讚韶捐建

坊市職員鄧士敏妻節婦盛氏嘉慶十八年獻書院右對街屋一所正房四間後廳二間橫房二間側廡一間道光元年書院重修右房二間前堂一間堂側巷與潘姓住基各半左廳一間後房半間止潘姓住屋中柱圍一片道光三年知縣陳雲章委典史趙廷桂勘丈中自南圍墻至街十五弓西自南中柱至廳八弓東自南圍

墻至街十四弓前自東墻至西巷五弓後自東墻至西

原生潘運第道光四年獻書院前坪南

右角地一尺四圍
計四丈六尺五寸

附輸金助修書院姓名

增貢余 螭 長樂鄉人 生員余志達 長樂鄉人

耆民鄭順添 年豐鄉人 耆民周文選 上南鄉人

耆民葛天儀 上南鄉人 監生張大任 上南鄉人

以上各捐銀五十兩

廩生劉廷璵 昇仁鄉人 捐銀四十兩

監生葉桂大 昇仁鄉人 耆民熊上珍 上南鄉人

貢生潘崇桂 坊市人

以上各捐銀三十兩

監生羅 彥 坊市人 捐銀二十六兩

監生楊嗣鳳 順義鄉人 捐銀二十四兩

鄉賓劉孔臣 北樓人 耆民龔炳文 年豐鄉人

附監萬邦憲 江陰鄉人 生員張慎修 昇仁鄉人

耆民李孔圭 年豐鄉人 耆民楊 英 上南鄉人

耆民黃元演 上南鄉人 生員葉文垣 年豐鄉人

耆民饒洪泗 上南鄉人 生員盧應陞 下南鄉人

監生李芳馨 坊市人 生員盧應特 長樂鄉人

耆民盛楚白 坊市人 歲貢潘淳輝 北鄉人

監生李宗平 年豐鄉人 鄉賓楊宜鑑 順義鄉人

監生杜廷棟 北鄉人 生員余志高 長樂鄉人

生員盧愈熊 安樂鄉人 監生汪迴瀾 江陰鄉人

生員陳其蘊 順義鄉人 監生余從周 下南鄉人

以上各捐銀二十兩

計開書院舊存田畝租額佃戶姓名

魯溪廩生劉廷璵捐田一十二畝土名金神殿畔田二號內一號田二畝乾隆四十五年與邱秀華易換滑路上田二號計二畝有案朱家勘一號社下路畔二號茨蒲下一號井弦橫坵一號楊嶺下圳弦一號共科米七斗四升九合共額租二十一石六斗佃戶方為政租二石九斗方大敬租五石方宏彩租二石一斗方宗魯租八石廖正達租三石六斗

廉村舉人羅應權捐田十畝四分土名圳上一號陳家灣一號共田一畝六分石規頭五號二畝一分羊角龍二十三號一畝七分坪頭坵一十一號四畝五分馬墳

邊三號五分科糧六斗二升四合共額租一十二石八

斗佃戶陶列希 向折繳九錢六千文

坊市貢生潘崇桂捐田九畝土名鳳口登高山塘下二

十號新塘一口科糧六斗三升共額租九石佃戶田時

廣 向折繳九錢三千六百文

上南鄉監生葉發祥捐田七畝土名范坪塘角頭一號

楓樹壠一號三角坵一號水坑門首下九號榨背樹下

坵一十一號科糧四斗二升額租八石佃戶葉罕雲 向折繳九錢四千文

繳九錢四千文

安樂鄉舉人余鳴珂奉父余崇曾遺命捐田六畝九分

土名南臯坵九山崙下田四號泉岩邊二號喻和塘下

二號下坵屋場裏三號行鑼坵一號科糧四斗六升九

合額租一十石佃戶潘崇元

上南鄉監生周國柱捐田二畝六分土名雷背石一十

九號朱家山乾壠裏二十五號科糧一斗五升六合租

三石二斗佃戶周之綱

坊市鄉賓盛彌瀨捐田四畝三分土名渡頭二號廟子

邊四號余道壠葫蘆坵地一畝七分長頭地一號沙壠

邊一號科糧三斗二升一合四勺額租六石五斗佃戶

黃魁五租三石五斗黃越千租三石

江陰鄉耆民徐躬膺捐田六畝二分土名鳳口荷包坵

一號彭牙壠十三號科糧四斗三升四合額租八石六

斗佃戶方大招

沙田耆民盛任臣捐田三畝四分土名鳳口文家壠一

號石家門首港背五號田墘下港洲一片佈有樹科糧

二斗六升七合五勺額租五石一斗佃戶徐繼揚向折繳九

錢三千零六十文

上南鄉拔貢黃夢鶴捐田二畝土名搖邊墩九號大塘

邊二號科糧一斗二升租二石二斗四升佃戶葉文漢

向折繳九錢一千一百二十文

上南鄉童生黃坤勉捐田三畝土名羅溪平頭墩三號

正米一斗八升額租三石三斗六升佃戶黃文芳向折繳九

錢一千六百八十文

坊市耆民汪子旺捐田八畝土名水口二十一號科糧

六斗三升二合額租一十二石因田被水冲減租三石

六斗實收租八石四斗佃戶萬敬語租一石八斗汪洪

亮租二石四斗胡俊夫租四石二斗

箬溪耆民但用侯捐土名潘墩田八畝計八號正米五斗六升額租九石六斗佃戶潘元珪按用侯所捐之田

原在一都武橋因水冲壞其子舞廷買此田以易之

上南鄉庠生葉秀雲捐田一畝土名丁家坵上墩裡一

號科糧五升三合額租一石八斗佃戶葉集賢向折繳九錢九百文

劉武錫捐田二畝七分土名門首一號蔴塘坵七號半

壠塘一號科糧二斗額租四石八斗六升佃戶劉才仁

安樂鄉耆民余定臣捐田五畝四分土名鳳口西壠二

十二號科糧三斗七升八合額租六石五斗佃戶方宏

恭

下南鄉儒童丁日幹丁啓周捐土名蔡家洲港洲田三

畝五分四厘五號其糧原屬洲地自願承當不推額租

五石三斗一升佃戶楊雲海

年豐儒童明韜捐田六畝土名沙田丁佑陵十號科糧

四斗二升額租九石佃戶丁昇昂

江陰鄉職員邱穗蘭生員邱林遵父監生邱禹賢命捐

田三畝土名滑路上一號八分又松樹下一號計二畝

二分科糧二斗一升額租四石五斗佃戶方大儀

買余嶠土名上都田二十七畝七分九厘五十四號科

糧一石六斗六升七合四勺額租四十一石六斗八升

佃戶余道得租六石五斗五升盧洪吉租九石三斗余

世津租四斗五升余道河租一十一石七斗三升余興

瑞租五石一斗五升余蘇河租三石二斗李鏃鏃租五

石三斗

買羅應權土名水口陷泥上下田四畝一分計九號科糧二斗八升七合額租七石五斗佃戶潘運錦

買萬宏育土名濁水田三畝八分一十六號正米二斗六升六合額租六石八斗四升佃戶汪永賢租四石五斗汪定亮租二石三斗四升

買張顯信土名曹婆洞田二畝五分計五號科糧一斗七升五合租六石二斗佃戶冷玩川向折繳九錢三千七百二十文

買石全蘭土名田畔壩尖山嘴田一畝五分五號正米一斗零五合額租二石五斗佃戶王賢浴

買盛會載土名鳳口高田六畝九號正米四斗二升額租一十石二斗佃戶方宏富

買潘德煒土名鐵爐筓嶺田四畝一分十七號又地一號科糧二斗九升二合額租六石四斗佃戶張之炕向折繳九錢三千八百四十文

以上共田壹百伍拾肆畝貳分叁釐共正米壹拾石零零叁升陸合叁勺查與梁志所載相符現在每年實收租穀壹百陸拾陸石柒斗玖升又實收折租錢貳拾柒千玖百貳拾文

按梁志書院項下止載田畝糧數而不及租額佃戶姓名今從歷任移交徵冊查明現在實收錢租數目詳著於篇以備查考

梁志已修後續捐續置並列於左

熊輝南捐田一畝四分科糧九升八合土名前墳王猪

林路下田五分計一號門首田四分計一號楓樹林田五分計一號佃戶張世興額租三石三斗四升折繳九錢一千九百八

熊夢興捐田八畝三分共三十八號科糧五斗八升四合土名昇仁鄉十一都魯塘田二號七分塘下門首坂

田一號六分塘下社前田一號二分社畔田五號一畝七分胡家坂田三號一畝四分黃土坪田二號三分風

洞田二十四號三畝四分佃戶熊綯堂額租一十二石折繳九錢一十二千文

劉震捐田二畝科糧一斗四升土名鳳口墩小土名胡樹下田二畝計二號佃戶王應坤額租二石八斗

盧姓捐田並塘三畝七分五厘科糧二斗六升九合五勺土名上水門首田一分五厘一號河弦田五分二

號土名下塹河弦田七分一號田坎下塘一分五厘門首路下團田仔上下田一畝七分二號塘下塢上下田

五分五厘二號佃戶余派興額租六石折繳九錢三千六百文職員盧炳捐田二畝三分科糧六升九合零九撮土

名石坑壠佃戶盧光志額租二石零八升折繳九錢佃戶吳水成額租一石六斗折繳九錢八百文

嘉慶十八年長樂鄉監生李之春捐土名宜東源芋藤塢口水田四畝契載十五號科糧二斗一升三合二勺

四抄佃戶孟體榮每年額租七石二斗折繳九錢五千七百六十文例貢張敏捐田九分科糧六升三合土名楊富坑灣

坵佃戶冷昭額租二石七斗折繳九錢二千七百六十文

買李啟遇田五畝二分科糧三斗土名洪坑小塢口田
五畝二分計七號佃戶李召賢額租九石二斗八升折
九錢六
千文

買廖亞三田四畝八分科糧三斗六升八合土名北門
外王家嘴田二畝六分七號羅家堰田石橋底田一畝
五分四號北門塢港弦田七分計一號佃戶聶斗日共
蕭俊賢
額租七石六斗八升臨田均分每年約分谷五石
王原采捐田二畝三分科糧一斗二升三合土名社下田
一畝二號杓塢墾田一畝三分相連六號佃戶余明歐
額租三石五斗

以上共田叁拾畝玖分肆厘科糧壹石柒斗玖升伍
合柒勺肆抄實收租穀壹拾捌石伍斗又實收折租

錢叁拾叁千叁百文

乾隆五十七年前縣任石讚韶捐買土名鳳口田伍畝
壹分四至詳載契內科糧叁斗伍升柒合每年額租穀
錢陸千五百文佃戶盧其煌

此項歸作每年議請山長
之費十鄉首事輪收

昇仁鄉豐良邑庠生熊峻乾隆五十七年遵父上榮命

獻田四畝土名大地坪深塢塘下七號計一畝七分本
處一號八分冷水井一號一畝五分本年城內首事換
置附城土名鳳口東塢田四畝張家田一號一畝三分
殿樹下田二號二畝七分正米契載二斗八升額租折
繳九二制錢佃戶崔寬傑每年繳錢五千叁百五十文
正誼書院官民新捐及裁定規條列後

道光三年知縣陳雲章敬避

今上御名改爲正誼書院額大堂曰明道以敬業堂原匾榜諸掌教廳勸諭紳民廣增經費子民李子山兄弟捐租一百十六石弟監生之春又獨修院宇詳奉撫憲程給予助興文教四字匾額旋奉札飭各屬捐輸有記見藝文復奉藩檄士民捐銀十兩至八十兩者由縣給匾自八十兩至二百兩者由府州給匾自二百兩至三百兩者由道給匾自三百兩至四百兩者由本司給匾自五百兩以上者應請憲台給匾檄諭如此志書所載各捐家或爲本人或爲祖父各從其原書捐帖姓名登入至分別多寡獎給匾式均須現在之人或其人已故捐重者將其後人均分給予匾額輕者不能分派卽將其家現存尊長給匾故志中所載樂捐姓名與給匾之姓名有符有不符後之修志者覽焉

撫憲程捐銀百兩知縣陳雲章捐銀百兩

安樂鄉

湖南候補縣丞翁 蔡捐田一十五畝五分三厘計三十五號契價錢叁百千文土名盧塘下水田相連直出三十二號共一十二畝四分三厘秋地五片大蘆塘一口冲裏叫名林子山一障潘家塢山一障與石體仁合管五都坂頭石堰裏圳口水田一號一畝二分五都坂頭塘坑背水田一號六分江陰鄉四十六都嶺背叫名筆架坵水田一號一畝三分共科糧一石五斗零八合三勺三撮共額租二十九石張燿廷承佃田十二畝四分三厘秋地五片每年額租穀二十石折繳錢一十八

千文張英河承佃田一畝三分每年額租二石五斗折
繳錢二千五百五十文余繼滌承佃田一畝八分每年
額租六石五斗折繳錢五千八百五十文

又續捐獻田一十四畝三分五厘計三十五號秋地五
號計一畝一分契價錢二百一十千文土名東源黃株
庄田三號二畝四分又相連二號五分又一號九分又
一號三分土名富家壠榜上相連九號一畝二分又一
號一畝三分又二號一畝大塢裏水田相連三號一畝
四分又一號六分又相連五號八分五厘茶隴坑相連
水田三號一畝一分鳳塢口水田三號八分東源壠猪
頭山下水田一號名合坵二畝大塢裏秋地五號六分
又秋地二片三分又秋地二片一分五厘又秋地一片
五厘共科糧八斗零七合張志海承佃每年額租二十
一石折繳錢一十八千文

共額租谷五十石正共折繳九貳錢肆拾肆仟壹百
文

增貢生翁 藻捐田一十二畝計二十五號秋地七片
計六畝二分契價錢三百一十一千六百文一北鄉二
十三都土名田東塢橫巖角水田一號一畝四分安樂
鄉六都土名烏龜墩田一號一畝大塘下相連田四號
五分五厘鐵柱坪田二號五分又一號四分門首秧田
一號三分壠裡破號一號八分鐵柱坪田三號一畝一
分路下灣坵相連二號七分五厘破號田一號五分門
首秧田一號四分八都楓樹下土名神冲裡岩坵灣坵

田相連五號二畝三分坪上棉花坵田一號又相連跳石邊田一號二畝楓樹下大磨嶺秋地一片八分又一片三畝又相連二片八分又相連三號一畝六分共科糧一石零六升五合七勺八抄張揮琪承佃田六畝三分每年租穀一十八石九斗折繳錢一十六千五百文石世煒承佃田四畝三分秋地六畝二分每年額租穀八石六斗折繳錢六千四百文潘文日承佃田一畝四分每年租穀四石折繳錢三千六百文

共額租三十一石五斗折繳玖貳錢貳拾陸千伍百文

增貢生翁 蘋捐田四畝二分五厘計七號契價錢七

十二千文秋地十四片計十三畝六分契價錢一百二

十八千文土名鳳口東墩墩裡田一號一畝八分該田上首糯田一號四分下首田一號四分下截林門首坪上田一號三分坪上塘畔田一號五分下截林門首大塘墘上田一號二分汪姓門首田一號六分五厘中灣州後港坪大塊地一片一畝六分下邊後港塘畔地一片一畝四分老子園地一片一畝二分梗樹下地一片六分又相連墘下地一片二分陳家壠地一片七分又中灣嘴上中灣角裡地一片一畝六分大河邊相連地五片四畝七分墘上地一片一畝二分桑下園地一片四分共科糧四斗四升零七勺崔顯明承佃田三畝六分每年額租穀六百三斗七升折繳錢五千七百三十三文崔定絃承佃田六分五厘洲地一十三畝六分每

正定縣志 卷九
年額租十三石六斗三升折繳錢十一千文

共額租穀貳拾石共折繳錢壹拾陸仟柒百叁拾貳文

職員翁福春妻盛氏捐田六畝二分五厘七號契價一百零五千文土名車溪田一號二畝六分一號四分一號一畝三分又相連三號一畝一號九分五厘共科糧四斗盧讓春承佃每年額租穀一十一石一斗六升折繳九二錢九千三百七十五文

監生黎品三捐田三畝一分計十號契價錢一百一十五千六百文土名南嶺口田五分五厘小殿坑田二分大塢頭田三分江家坳田七分窑前田五分西冲壠田三分五厘小殿坑窑邊長坵田五分共科糧二斗四升八合黎序陵承佃田一畝四分每年額租錢三千一百三十六文董緒日承佃田七分每年額租錢一千六百文黎學典承佃田五分每年額租錢一千二百文黎序溥承佃田五分每年額租錢一千二百文

共額租穀折繳九二錢柒千壹百陸十文

王梅石捐田四畝九分五厘契價錢九十一千文計十四號土名周壠裡棟尾塘相連四號一畝八分毛家壠老祖塢相連五號一畝一分老祖塢口上相連三號七分五厘栗林塢一號八分宋家壠一號五分科糧三斗一升一合九勺二抄六撮毛世杞承佃每年額租穀折繳九二錢柒千貳百文

監生李鴻捐田一畝九分契價錢五十四千文土名

毛坵一號一畝六分楊山坵一號三分科糧一斗陸升
一合五勺張以林兄弟承佃每年額租五石折繳九二
錢五千文

監生張文亮捐錢五十千文

監生盧從蔭捐錢五十千文

昇仁鄉

儒童余興玖捐田十二畝七分五厘計三十號契價錢三
百二十千文土名東陽塘頭一號九分東塘塍上連田
二號二分塍上下連田五號一畝九分東塘角一號三
分吊鍾山一號一分破坑壠破號一分五厘大泉下破
號二分五厘楊家壠一號一畝三分水碓均一號七分
大泉下一號四分萬石倉一號九分又一號三分帶博

坵一號八分鄒塘一號四分栗樹下一號四分古子堰
一號四分大泉下二號三分水碓均一號一畝四分官
堰下連田五號又一號共一畝六分五厘共科糧一石
零一升八合余興龍承佃田一號七分每年折繳租穀
錢一千四百七十文余興泮承佃田二號四分每年折
繳租錢八百四十文余善祝承佃田一號四分每年折
繳租錢八百四十文余興衍承佃三號七分每年折繳
九二錢一千四百七十文余善駙承佃一號八分每年
折繳租錢一千六百八十文余善文承佃三號二畝七
分每年折繳租錢五千六百七十文余青浪承佃二號
八分二厘每年折繳租錢一千七百二十二文余青波
承佃四號八分三厘每年折繳租錢一千七百四十三

文余善書承佃二號七分每年折繳租錢一千四百七十文余興海承佃十號三畝八分每年折繳租錢七千九百八十文余祖修承佃一號九分每年折繳租錢一千八百九十文

共額租穀折繳九二錢貳拾陸千七百七十五文

例貢張朝舉監生張翽張鶴文童張榮柳等共捐田八畝八分計二十號契價錢二百一十千文土名小泉一號九分藍田一號七分楓樹林嘴一號三分楊柳橋一號二分水碓坳一號四分又一號四分克祥坂一號六分牛軛坵一號七分榨背後一號五分鐵夾坵石頭田相連二號一畝五分大泉一號五分又一號四分五厘官堰一號二分五厘灣子裡一號三分闌籬墩下一號

五分倉下相連二號四分石灰壠連二號二分共科糧七斗零四合余善武承佃二號八分每年折繳租穀錢一千六百八十文余善文承佃四號內一號破號二畝九分每年折繳租穀錢六千零九十文余興衍承佃二號五分每年折繳租穀錢一千零五十文余善梔承佃十二號四畝六分每年折繳租穀錢九千六百六十文共額租穀貳拾陸石四斗折繳九二錢壹拾捌千肆百捌拾文

聶綸音捐土名王家坂相連水田二號二畝契價錢五十千文科糧一斗六升聶哲銀承佃每年折繳租穀錢五千文

葉穆雲捐田二畝四分三號契價錢五十六千文土名

白洋山河東坂屋側一號一畝白洋山叫名老虎坵破
號六分白洋山岩頭舖側一號八分科糧一斗四升四
合張志聖承佃每年折繳九二錢五千八百文

鄧朝章捐田二畝五分計五號契價錢五十五千文土
名龍屈頭一號四分長林仔二分下新溪屋右側一連
二號一畝四分禁前五分科糧一斗五升冷舉才承佃
每年折租繳九二錢五千五百文

監生張魯聲捐田二畝契價錢五十千文土名楊案庄
門首一連四號一畝塘裡一號五分蕎麥墳一連二號
五分科糧一斗六升張亨溪承佃每年額租六石折繳
九二錢五千文

監生聶恒春捐田一畝八分契價錢五十千文土名洞
子口七分張家門首五分又六分科糧一斗四升四合
聶集賢承佃每年折繳九二錢五千二百文

聶品凡捐田一畝三分契價錢五十千文土名新塘地
田二號七分大塘下一號六分科糧一斗零四合聶象
堅承佃每年額租六石折繳九二錢五千文

監生聶方泰捐土名福畱下圍墩坵叫名山仔下一號
計二畝契價錢五十千文科糧一斗四升聶開蘭承佃
每年額租穀六石折繳九二錢五千文

余佐魯捐田三畝五分契價錢九十六千文又續捐田
五分地一片契價錢十五千文土名菜坑壠田三號二
畝下邊坂一號八分冲墩二號圳子下一號共七分鄒
塘官堰二號五分科糧三斗二升陳智雨承佃一畝五

分每年折繳租穀錢三千一百文余國仁承佃田二畝
每年折繳租穀錢四千七百文余善武承佃五分地一
一片每年折繳租穀錢一千零五十文

共折繳九二錢捌千捌百五十文

監生聶方亨捐田二畝六分契價錢陸拾肆千文土名
蛇田下首叫名灣坵一號一畝二分大堰下首叫名四
方坵一號一畝四分科糧二斗零八合葉能發承佃每
年租穀折繳九二錢五千一百二十文

貢生柯燕賓捐錢壹百千文

監生張靖忠捐錢壹百千文

監生戴朝元捐錢五十千文

戴守文捐錢五十千文

職員戴佐堯捐錢五十千文

監生葉桂大捐錢五十千文

北鄉

李淑惠捐田九畝計十八號契價錢壹佰伍拾千文土
名黃墩田二號一畝三分又上邊田一號八分又一號
七分老墘下相連三號一畝上邊田一號一畝下邊田
一號六分馬蹄坵田二號一畝三分墘下田二號六分
墘上田一號三分青坑裡田一號八分崖下田一號四
分下邊田二號三分共科糧六斗三升傅仁楷承佃每
年額租拾五石正折繳九二錢壹拾叁千五百文

監生黃錫環捐田二畝八分并塘契價錢九十千文科
糧一斗九升七合北鄉二十六都土名下何田相連五

號計一畝八分塘一號十分之三胡紹麒承佃每年租
穀折繳九二錢四千七百文又戴漣壠田二號計一畝
吳良卿承佃每年租穀折繳九二錢一千八百文

共折繳九二錢陸千伍百文

李望霖捐土名張公源田相連十一號二畝五分契價
錢伍拾千文科糧一斗七升五合姚占魁承佃每年租
穀折繳伍千文

監生陳 禧捐錢叁百貳拾千文

羅會海捐錢壹佰貳拾千文

監生湯定元捐錢壹佰千文

王杏園捐錢壹佰千文

監生杜學涵捐錢壹佰千文

劉六成捐錢壹佰千文

湯曙憲捐錢伍拾千文

年豐鄉

戴榮魁捐土名鳳口一甲田相連十一號計二畝七分
又一號五分共計三畝二分契價錢五十千文科糧二
斗二升四合喻孕泉承佃每年租穀折繳錢五千文

監生辛有光捐田三畝二分契價錢五十千文土名鳳
口文家壠田相連二號二畝二分又二號一畝科糧二
斗二升四合陳繼榮承佃每年租穀折繳錢五千文

職員成輔賢捐錢壹百千文

監生李廷輝捐錢五十千文

順義鄉

職員范廷元捐錢五十千文
監生楊拔元捐錢五十千文

上南鄉

例貢葉大椿捐土名詹家源田一畝五分又大塘一口
十六股之十契價錢五十一千三百文科糧九升黃愛
揚承佃每年租穀折繳錢五千二百文

葛昌園捐錢五十千文

監生葛華祖捐錢五十千文

葛樂賓捐錢五十千文

葛翼堂捐錢五十千文

增貢生葛懷星捐錢五十千文

監生葉光緒宗捐錢壹百千文

例貢鄒家俊捐錢壹百千文

監生鄒肇基捐錢五十千文

張畊月捐錢五十千文

下南鄉

職員余氣江捐田十二畝一分契價錢二百零九千文

土名赤崗山周瓏源田十號計四畝一分茗州港羅潭

灣田十六號計八畝科糧六斗五升一合劉光祺承佃

田四畝一分每年額租穀十石折繳九二錢十千文劉

應鰲承佃田八畝每年額租穀十石折繳九二錢十千

文

田禮年捐田五畝九分契價錢壹百千文土名薪塘門

首城下田一號二分季墩頭一號三分又相連田四號

一畝大塢塘下田四號七分墾下田一號五分均頭源
連田三號二分塘下田一號五分墳山下田一號三分
坪上田一號六分百合橋嶺田一號二分洞子裏田一
號一分下塢山下田一號九分下連田三號四分共科
糧四斗一升三合盧應泉承佃每年額租穀十一石八
斗折繳九二錢十千零六百二十文

監生田有秋捐田三畝五分契價錢六十五千文土名
下柳堰黃姓老背後田一號一畝五分相連田一號二
畝科米八升田巫凡承佃每年額租六石折繳九二錢
五千四百文

子民邱觀瀾捐田三畝三分契價錢六十千文土名邱
姓屋左正壠裡深塢口相連田六號三畝橫塢口邱姓
秋地上下田二號三分科糧二斗三升一合邱佳桂承
佃每年額租六石折繳九二錢六千文

例貢蕪遠法捐土名磨下關山口田五號三畝契價錢
六十千文科糧二斗一升吳貽芹承佃每年額租六石
折繳九二錢六千文

李栢元捐田三畝四分契價錢六十千文土名坳口平
杉樹坵相連三號一畝四分五谷殿角田一號四分大
塘下田一號五分瓦子坪田一號一畝林姓屋後田一
號一分科糧二斗三升八合鍾家廷承佃每年額租六
石折繳九二錢六千文

童生陳 簋捐田二畝六分契價錢五十貳千文土名
五塘沖口田二號六分墾下田一號四分大石塘田一

號五分秧田裡田一號一畝一分科糧一斗八升二合
陳繼鮪承佃每年額租五石折繳九二錢五千文

邱懷仁捐田二畝六分契價錢五十千文土名艾家壠
口崇章屋上首田一號一畝五分七厘口田一號一
畝西界隔連田一號一分科糧一斗八升二合林佩梧
承佃每年額租五石二斗折繳九二錢五千文

儒童陳策捐土名張公源水田九號計二畝五分契
價錢五十千文科糧一斗七升五合萬承端承佃每年
租穀折繳九二錢四千五百文

童生賴永松捐土名大崇坳田一畝八分契價五十千
文科糧一斗二升六合劉荆予承佃每年折繳九二錢
五千文

舒蔚山捐錢壹佰千文

萬冠周捐錢五十千文

江陰鄉

監生胡拔魁捐土名車頭水田三號八畝四分又地二
片二畝二分契價錢壹佰二十六千八百文科糧五斗
六升一合一勺四抄盧讓春承佃每年額租一十七石
折繳九二錢一十三千六百文

盧于左捐田三畝契價錢五十四千文土名大頭田一
號五分白米坵田一號一畝屋場坵相連三號一畝五
分科糧二斗四升黃永木承佃每年額租穀六石折繳
九二錢五千文

監生邱占鰲捐田二畝五分契價錢五十千文土名石

規楊柳墩申田一號七分又一號九分又相連二號九分科糧一斗八升七合五勺劉逢元承佃每年額繳九二錢五千文

監生胡晶斗捐錢五十千文

長樂鄉

李履祥捐土名藍田源田六拾二畝九分二厘并庄屋一所東邊兩股之一未分又屋基三分契價錢壹千貳百叁拾千文科糧三石三斗八升零三勺八抄七撮一圭佃戶姓名田畝坵號列后

黃恒興承佃黃栢冲一號長沙坂三號共二畝三分每年折繳錢叁千三百三十五文黃永沐承佃楊奎墩田一號計二畝八分每年折繳錢四千零三十二文黃永

善承佃金山田一號上屋墩田一號共二畝一分每年折繳錢叁千零四十五文黃永埤承佃團坵田一號共二畝一分每年折繳錢三千零四十五文黃永寬承佃楊奎墩田三號蒲下田二號共四畝六分每年折繳錢五千六百六十五文黃秉澗承佃長沙社后田二號共弓二畝三分每年折繳錢三千一百文黃仲風承佃長沙坂田三號鄭家山港邊田一號共二畝八分每年折繳錢四千零四十五文黃定桂承佃大源壠田一號鄭家山田一號高春墩港邊田一號共三畝二分五厘每年折繳錢四千七百一十二文黃定蘭承佃長沙坂木子潭田一號大源壠口田一號共二畝二分五厘每年折繳錢三千二百三十一文又庄屋四股東邊一股併

倉在內又併屋基三分在內每年折繳錢八百一十文
舒顯若承佃長沙坂田二號共四畝二分每年折繳錢
六千零九十文舒顯御承佃長沙坂田一號共一畝一
分五厘每年折繳錢壹千六百六十七文舒道杏承佃
白馬塢田二號共五分每年折繳錢五百文舒紳元承
佃白馬塢田一號共五分每年折繳錢五百文舒顯輝
承佃沙坵墘下港絃邊田一號共九分每年折繳錢九
百文舒學科承佃沙坵墘下田一號共一畝五分每年
折繳錢壹千五百文舒學好承佃黃栢冲田二號長沙
坂田二號共貳畝一分五厘每年折繳錢三千一百十
七文黃升胡承佃面前山下門首港邊田二號共貳畝
每年折繳錢二千八百文黃秉向承佃面前山下門首
港邊田二號計弓一畝零五厘每年折繳一千四百文
黃允良承佃上坑口港邊二號共一畝六分每年折繳
錢貳千叁百二十文黃允棟承佃師姑山田一號共七
分每年折繳錢壹千零十五文黃秉春承佃上坑口田
一號共八分每年折繳錢壹千一百六十文黃秉興承
佃碧泥塢田一號共一畝二分每年折繳錢壹千七百
四十文黃秉燕承佃碧泥塢田一號共一畝又東瓜塢
口田一號計八分每年折繳錢貳千六百一十文黃允
乾承佃長沙坂田二號共一畝五分又陳倉屋後一號
計五分又大源壠一號計七分每年折繳錢叁千四百
八十文黃升墘承佃屋後三號共一畝三分屋側四號
共二畝四分七厘每年折繳錢五千四百四十六文黃

正寧縣志 卷九
九折承佃沙坵一號共一畝三分每年折繳錢一千八百五十五文黃允求承佃木子潭田一號共八分每年折繳錢一千一百六十文黃允盛承佃陳倉田一號共九分每年折繳錢一千二百九十五文黃升梓承佃楊春墩田一號共七畝八分每年折繳錢拾一千六百三十文黃升梅承佃紅崗嶺田一號共一畝一分每年折繳錢一千五百九十五文

以上實共額繳九二錢捌拾捌仟捌佰文

城市

職員盧振達捐錢壹佰仟文

監生劉承緒捐錢五十千文

監生盛學烹捐錢五十千文

正誼書院官民續捐及撥歸款項併增定條規列後

下南鄉田德新因公捐田五畝四分秋地五號契價錢一百三十千文土名新陂灣山下蔴棚門首場頭田一號八分又蔴棚門首圳坎田一號五分又蔴棚門首田二號八分勘上田一號二分蔴棚下兩叉壠一正壠直下遲田二十五號五分秋地上下五號圳背墩上城角頭田相連二號一畝六分謝祠門首圳背田相連二號一畝其科糧三斗七升每年額租穀一十二石折繳錢一十二千文萬堦吾承佃

監生田漑田治遵祖禮年遺命續捐田八畝契價錢一百五十三千文土名黃壠嘴田十六號七畝三分西壠田四號七分其科糧五斗六升每年額租一十五石折

繳錢一十五千文廖成瞿承佃

買周素中田三畝五分秋地八分契價錢七十千文土
名培塘田相連十五號二畝二分又培塘口田相連二
號三分學堂側秋地一片八分共科糧二斗三升每年
額租折繳錢七千文周泰邦承佃

年豐鄉藍偉珠遵父藍瑞鳴遺命捐田三畝八分契價錢
五十七千文土名鳳口西隴田相連一十八號共三畝
八分科糧二斗六升每年額租折繳錢五千五百文廖
光照承佃

府憲張寅捐錢三百千文

邑令林懋勳捐錢一百千文

監生舒昇捐錢三百千文

生員舒化鵬捐錢二百千文

張耀廷捐錢二百千文

職員余紹業捐錢一百千文

監生余紹箕捐錢一百千文

貢生葉長齡捐錢一百千文

文童余炳捐錢一百千文

鄒正山捐錢一百千文

監生盧維齡捐錢一百千文

耆民戴守文捐錢五十千文

文童胡學淵捐錢五十千文

以上共捐錢一千八百千文前任林於道光十七年十
二月二十四日一併發交城市通裕典具領按週年一

分二釐生息按季取利支用不准提本卽於本月二十六日彙冊詳 府立案

邑令王清查武安山荒官田一十九畝二釐荒地四十八

畝二分八厘於道光二十年撥歸正誼書院召佃開墾

自行築造庄屋額定道光二十一年完繳租錢八千文

二十二年完繳租錢十二千文二十三年起每年額繳

租錢二十四千文佃戶 申華利 萬恒枋 艾再炯 吳讓賢 潘示軒 吳任賢

前任陳經收各捐錢二千五百二十貫經 前任陳發交

通裕典暫行生息以備育嬰之資旋因武邑無嬰可育

道光九年城鄉紳士取出原錢置買產業仍歸書院收

租 前任秦詳報在案

買李蒼璧田二十五號計三十六畝八分庄屋一所計十

三間山二嶂併基地水塘等坐落土名長樂墩每年額

租錢九十八千文佃戶黃貫先

買汪孔霞田六十二號計三十七畝六分秋地四畝一分

庄屋一所山四所水塘四所大塘半口并圍圍基地等

坐落土名崖壠每年額租錢六十千文佃戶余汝強

買周素中田相連六號計七畝八分土名赤里岡培塘口

每年額租錢二千三百文佃戶周邦泰

以上共額租錢一百九十七千二百文

撫憲程捐育嬰銀二百兩 前任陳捐育嬰銀一百兩并

歸書院又 前任陳於交代案內提出舊存銀二百零

五兩二錢四分八厘發交通裕典生息每月息銀七兩

零五分二厘四毫八絲每年向通裕典按季提用領狀

存案

杜雷氏充公土名黃杉源田十六畝二分四十八號原額租十二石六斗歸豫章書院解款道光十年經紳士踏明加額除原額仍照舊章辦理外加額租十石稟請撥入正誼書院佃戶凌昌榮折繳錢十千文

又有嬰佃戶張幹夫每年繳穀約三石扣錢二千四百文李崇祥每年繳折租錢約九百文均歸書院以上育嬰撥歸租項典息每年共錢四百九十千書院捐款併育嬰撥歸典息共銀八十四兩六錢二分九厘七毫六絲陳令以上書院舊捐有穀一百七十四石四斗九升扣錢一百三十九千五百九十二文又額繳錢租七十五千四百七十文又陳令任內新捐錢租四百四

十三貫一百八十九文每年共錢六百五十八貫二百五十一文新舊大共每年租息錢一千一百四十八千有零息銀換錢在外約計每年額租息錢一千三百貫有零

下南鄉儒童林翹鳳遵祖太學生國榮遺命捐土名箭坑田六畝科糧四斗二升原額租十二石道光二十年減額租八石佃戶溫光信每年折繳錢八千文

下南鄉生員李守環捐獻土名董家灣水田一號計一畝二分每年額租折繳錢二千四百文佃戶吳德華

武寧縣正堂陳 爲曉諭事照得正誼書院前經酌定條規榜示在案今將續爲增定酌改條規開列于後并刊入縣志以垂久遠

一向來 山長或荐而不至或至而不久房屋俱爲訓蒙者借居上年紳士等議稟以道光四年爲始公擇 山長由科甲出身者稟縣聘延定於二月初一日到館臘月初一日解館俾生童得資講習業經通詳各 憲批准永遠遵行至 山長歲俸束脩錢壹百二十千文每年米炭薪蔬茶蠟等項錢八十千文實共錢二百千文尙有來回夫馬節敬賞使及添補家伙用費年終另錄細賬

一 每年二月至六月請儒學 正齋七月至十一月請

儒學副齋監院以資彈壓每月酌送夫馬錢一千文官
課日局試生童監院在院稽查支銷酒飯茶點錢六百
文

一書院向規止考童生未及生監規制尙爲未備今將生
童合考各分爲正附課生監較少於童生酌定生監正
課十二名童生正課二十四名每名按月給膏火錢六
百文住院肄業者床桌家伙自備另加薪米錢六百文
若虛設床桌名爲住院而實未在院者或月止一二日
在院者不給薪米至附課無定額不給膏火薪米有住
院者聽惟房舍無多先儘正課後儘附課以杜爭端

一武邑考取正課向分城鄉未免意存畛域且就一鄉爲
去取卷少而額多則失之濫卷多而額少又失之遺殊
非拔取真才之意今議定每年十二月初一日散館卽
於初二日甄別一次但憑文字不別城鄉彌封試卷以
杜弊端而昭公允

一每月三課官課向定初六日今定爲十六日本縣親臨
點名給卷局試館課向定十六日二十六日今定爲初
六二十六兩期每課考取生監分爲超等特等壹等童
生分爲上卷中卷次卷不拘正附生童考取超等上卷
前五名者分別獎賞向規童生上卷一名獎賞錢一百
六十文二三名各獎賞錢一百二十文四名五名獎賞
錢八十文未免額濫而賞輕且高下亦無區別今定每
課生童考取超等上卷第一名者各獎賞錢四百文次
名各獎賞錢三百文三名各獎賞錢二百文四名各獎

賞錢一百六十文五名各獎賞錢一百二十文童生較生監爲多上卷第六名至十名各獎賞錢一百文所有生監考取特等童生考取中卷均不給獎賞

向來每月三課領題繳進是否出自己手俱不可知殊覺有名無實第武邑地方遼濶山道崎嶇若必每月三課俱到未免僕僕道途轉妨學業今酌爲變通惟官課必須親到命題寫試以別真才若遇官課之期正課童生一次不到者扣膏火一月接連兩次不到者降作附課三次不到者除名其附課三次不到者亦除名山長館課准領卷作文繳進以本日起四日爲限逾限者不閱

一 生童宜究心經史崇實黜華務求爲有用之學今定十六日官課生童作文一篇詩一首初六日亦如之二十六日館課不必作文改爲經解詩賦古文以徵博雅

一 作文須出心裁各抒卓識不得因仍舊作敷衍成篇今每月三課如有抄襲成文數十句者正課罰扣膏火一半附課罰停一課若全抄舊作兩卷雷同者正課降爲附課附課除名

一 正附課取定後若正課生監官課接連兩次考取在壹等後三名者正課童生官課接連兩次考在次卷後十名者均降爲附課其附課生童兩次連考超等上卷前三名者陞作正課以示勸懲庶多士等共知觀感或亦循名責實之一道也

一 每月三課試卷均按名散領如有一人冒領數卷者查

出將本人正課罰扣一半附課罰停一課以杜冒濫

一書院爲培植人才之所在院肄業者各宜潛修力學不得微逐荒嬉若不知自重在院吵鬧係正課罰去膏火一月附課罰停一課二次均除名如干犯賭博及有乖行止等事 山長暨監院查察除名逐出至書院門首亦宜肅靜如有閒雜人等無事窺探及在門首坐臥喧嘩地保立即稟究

一 生童膏火每月俟官課出榜三日內按名給發其在院薪米每月初一日支給一牛至十五日再發足一牛至甄別日每名照舊給與點食仍照舊章榜後散給至書院經費無多不敷膏火今酌取正課三十六名俟城鄉好義者續有捐輸再行增廣

一 照向規書院設水火夫二名每年工食銀四兩八錢看門院子一名每年工食錢三千文又食米一石八斗鹽菜錢一千八百文每月每課添給飯食錢二百文俾資食用再每年造冊繕榜係禮書承辦每月給紙張筆硯墨錢五百文歲給錢陸千文

一 書院膏火從前考定後取給於各鄉今新定章程所有各鄉膏火宜別爲社學益廣脯修或另請名師或但增文課以期文教日興人文蔚起各鄉紳士仍照向規自行經理不在此例

一 書院舊有田畝每年額收租谷二百五十二石九斗四升五合內實收上倉穀一百七十七石九斗八升五合又折谷七十四石九斗六升扣收錢四十八千三百八

十文上年民人李子山兄弟等捐租一百一十六石零扣錢八十八千八百文除完納錢漕外照新定章程不敷支給現在本縣勸據城鄉好義紳士耆民等續捐田畝銀錢俱未繳楚俟繳足後再行通盤籌議生息支銷各章程另行曉諭至舊有新捐各田畝佃租已另詳清冊不復贅載

一書院出納之數各鄉紳士或以道遠照料爲難仍舊官爲經理現在各鄉樂助或捐田畝或輸銀錢已繳契者踏明坵址分別飭令佃戶換立佃狀照額納租未繳銀錢已示諭在案并彙詳移交俟繳畢時或作生息或買田召佃收租年終將支銷數目榜貼書院曉示

一現奉

撫憲捐銀壹百兩又本縣捐銀一百兩發交典商生息統歸支銷一切章程

一院內一切支銷每百文俱照市價九二常規其有扣曠降罰等項卽存爲書院歲修粘補之資年終仍將用賬歸入支銷數內

以上各條俱係斟酌舊規量爲增損以期仰副各憲殷殷造就之心所屬生童着卽一體遵照

道光十年縣令朱勳增童生正課六名無分坐院不坐院每月均給膏火錢壹千貳百文併新刊正誼書院條規一卷

武寧縣志卷之十

武寧縣知縣滇南李 珣纂

田賦

揚州之域厥土泥塗田惟下下賦下上殊豫寧山邑屬
在偏陲耕織長養藏蓄無餘昔在元季浮額征輸洪筠
數郡悉困追呼逮我

聖朝愷澤覃敷汰浮輕役財阜民舒胥沾雨潤武尙待蘇天
光照臨燭我窮閭志田賦

宋元不可攷

明洪武二十四年官民田地山塘三千五十五頃七十九
畝七分

夏稅米二百一石六斗六升一合一勺

秋糧米一萬八千七百八十六石一斗九合二勺

正統九年奉例丈量概縣田土丈量出田八百六十七頃九畝六分

官民田地山塘三千九百二十一頃八十九畝三分

夏稅同前秋糧米二萬二千五百六十六石五斗四升一合一勺

萬歷元年官民田地山塘三千九百二十四頃五十一畝

五分夏稅同前秋糧米二萬二千五百七十二石八斗九升五合五勺

明賦役全書刊載萬歷九年清丈後田賦款目

上田三千六百六十九頃七十七畝三分二釐五毫每畝科米 升 合 勺 撮 圭

中田一百一十五頃八十畝一分二釐八毫每畝科米 四升四合四撮五圭

原下田九十六頃六十四畝二分三釐八毫每畝科米 三升三合三勺四撮五圭

今下田九十三頃二十二畝二分三釐每畝科米二升八合五抄

秋地九百一十五頃八十二畝五分六釐六毫每畝科米一升七勺

夏地一百八十八頃四十六畝八分九釐每畝科米一升七勺

山六百頃畝每畝科米四合二勺八抄

塘一百五十六頃六分每畝科米一升七勺

以上官民田地山塘共五千八百三十五頃七十三畝九分七釐七毫

夏稅米二百一石六斗六升一合七勺

秋糧米二萬二千五百七十一石九斗四合

按明賦梁志本鄒志而節刪之鄒志載本明賦役全書頗詳今卽其田米及各項等欸扣算前後多寡不符姑略存以備考覈

新增

國朝

嘉慶十八年修輯賦役全書

原額官民田地山塘共伍千捌百叁拾壹頃壹拾捌畝伍分伍釐貳毫各派徵不等原編起存各欸并加增玖釐地畝銀共壹萬柒千玖百伍拾捌兩柒錢捌分壹釐三

毫貳絲內原優免米陸百壹拾伍石伍升該派三差銀

柒拾陸兩貳錢捌分伍釐玖毫壹絲陸忽柒微玖纖於

順治拾肆年奉文扣解不准紳衿優免應入實徵又原新

陞田壹頃貳拾柒畝叁分壹釐肆毫貳絲該增銀叁兩

叁錢伍分捌毫

共應編銀壹萬柒千玖百陸拾貳兩壹錢叁分貳釐壹

毫貳絲又於

順治拾年題准開除未墾沙塞田肆拾頃陸拾玖畝貳分

柒釐伍絲貳忽肆微荒銀壹百柒拾貳兩柒錢貳分壹

毫於節年全墾原荒補足訖又認墾額外新生官地山

柒頃捌拾陸畝實增銀貳兩柒錢叁分肆釐又於

嘉慶拾捌年額外新開山貳拾壹畝肆分實增銀陸分伍

釐又於道光叁年額外新開山叁畝玖分柒釐增徵銀壹分叁釐見在成熟田地山塘伍千捌百肆拾頃伍拾柒畝貳分叁釐陸毫貳絲

實徵銀壹萬柒千玖百陸拾肆兩玖錢肆分肆釐壹毫貳絲

實徵米壹萬陸千貳百玖拾貳石肆斗伍升捌合壹勺貳抄

原額田分爲四則共叁千玖百柒拾頃柒拾伍畝肆分陸釐肆毫又丈出新陞田壹頃貳拾柒畝叁分壹釐肆毫貳絲共田叁千玖百柒拾貳頃貳畝柒分柒釐捌毫貳絲

原共編銀壹萬陸千柒百貳拾捌兩肆錢壹分壹厘玖毫又原新陞田增銀叁兩叁錢伍分捌毫除荒銀壹百柒拾貳兩柒錢貳分壹毫節年續墾原荒補足訖

實徵銀壹萬陸千柒百叁拾壹兩柒錢陸分貳釐柒毫原編米壹萬伍千貳百柒拾肆石肆升肆合叁勺肆抄又

原新陞田米叁石伍升玖合伍勺貳抄除原荒缺米壹百伍拾柒石柒斗叁合柒勺伍抄節年續原荒補足訖

實徵米壹萬伍千貳百柒拾柒石壹斗叁合捌勺陸抄一則田叁千陸百柒拾捌頃叁拾伍畝伍分玖釐伍毫

每畝原編糧差并加增共銀四分叁釐貳毫貳絲捌忽陸微捌纖 本色米叁升玖合肆勺柒抄叁圭捌粟

原編銀壹萬伍千玖百壹兩肆分柒釐貳毫米壹萬肆千伍百壹拾捌石陸斗壹升柒勺壹抄前田原報沙塞

荒銀荒米於節年續墾原荒補足訖見在實徵銀米同前

二則田壹百壹拾伍頃捌拾畝壹分貳釐捌毫 每畝原編糧差并加增共銀叁分肆釐柒毫柒絲伍忽貳微貳纖 本色米叁升壹合柒勺伍抄叁撮捌圭陸粟 原編銀肆百貳兩柒錢壹釐伍毫米叁百陸拾柒石陸斗玖升陸勺前田原報沙塞荒銀荒米於節年續墾原荒補足訖見在實徵銀米同前

三則田柒拾玖頃拾伍畝伍分叁毫又丈出新墾田壹頃貳拾柒畝叁分壹釐肆毫貳絲共田捌拾壹頃貳拾貳畝捌分壹釐柒毫貳絲 每畝原編糧差并加增共銀貳分陸釐叁毫壹絲玖忽叁微捌纖 本色米貳升肆

合叁抄壹撮壹圭捌粟 原編銀貳百壹拾兩肆錢叁分陸釐柒毫又原新墾田銀叁兩叁錢伍分捌毫共銀貳百壹拾叁兩柒錢捌分柒釐伍毫 原編米壹百玖拾貳石壹斗肆升壹合叁勺柒抄又原新墾田米叁石伍升玖合伍勺貳抄共米壹百玖拾伍石貳斗捌勺玖抄原報沙塞荒銀荒米節年續墾補足訖見在實徵銀米同前

四則田玖拾陸頃陸拾肆畝貳分叁釐捌毫每畝原編糧差并加增共銀貳分貳釐壹毫陸絲陸忽玖微叁纖

本色米貳升貳勺叁抄玖撮柒圭肆粟 原編銀貳百壹拾肆兩貳錢貳分陸釐伍毫米一百玖拾伍石陸斗壹合陸勺陸抄前田原報沙塞荒銀荒米及節年續墾

原荒補足訖見在實徵銀米同前

原額地分爲二則共壹千壹百肆頃貳拾玖畝肆分伍釐陸毫又認墾額外新生官地貳拾伍畝

二共地壹千壹百肆頃伍拾肆畝肆分伍釐陸毫

原共編銀捌百玖拾伍兩肆錢叁釐陸毫貳絲又認墾額外新生增銀壹錢陸分

實徵銀捌百玖拾伍兩伍錢陸分叁釐陸毫貳絲

原共編米柒百柒石捌升陸勺

一則秋地玖百壹拾伍頃捌拾貳畝伍分陸釐陸毫每畝原編糧差并加增共銀捌釐肆毫伍絲伍忽捌微叁

纖本色米柒合柒勺貳抄陸圭玖粟實徵銀柒百

柒拾肆兩肆錢陸釐陸毫米柒百柒石捌升陸勺

二則夏地壹百捌拾捌頃肆拾陸畝捌分玖釐又認墾額

外新生地貳拾伍畝二共地壹百捌拾捌頃柒拾壹畝

捌分玖釐每畝原編糧銀陸釐肆毫貳絲又認墾額外

新生增銀壹錢陸分實徵銀壹百貳拾壹兩壹錢伍

分柒釐貳絲

原額一則山陸百頃又認墾額外新生山柒頃陸拾壹畝

又於

嘉慶拾捌年額外新開山貳拾壹畝肆分又道光三年額

外新開山叁畝玖分柒釐肆共陸百柒頃捌拾陸畝叁

分柒釐每畝原編糧差并加增共銀叁釐叁毫捌絲

貳忽叁微叁纖本色米叁合捌抄捌撮貳圭柒粟原

編銀貳百貳兩玖錢叁分玖釐陸毫又認墾額外新生

增銀貳兩伍錢柒分肆釐又於

嘉慶拾捌年額外新生增銀陸分伍釐又於道光三年額
外新生增銀壹分叁釐 實徵銀貳百伍兩伍錢玖分
壹釐陸毫原編米壹百捌拾伍石貳斗玖升陸合貳勺
又認墾額外新生增米貳石叁斗伍升貳勺又於

嘉慶拾捌年額外新生增米陸升陸合壹勺又於

道光三年額外新生增米壹升貳合叁勺

實徵米壹百捌拾柒石柒斗貳升肆合捌勺

原額一則塘壹百伍拾陸頃壹拾叁畝陸分叁釐貳毫

每畝原編糧差并加增共銀捌釐肆毫伍絲伍忽捌微

叁纖 本色米柒合柒勺貳抄陸圭玖粟 實徵銀壹

百叁拾貳兩貳分陸釐貳毫米壹百貳拾石伍斗肆升

捌合捌勺陸抄

以上田地山塘共徵地糧隨漕銀壹萬柒千玖百陸拾肆
兩玖錢肆分肆釐壹毫貳絲共徵米壹萬陸千貳百玖
拾貳石肆斗伍升捌合壹勺貳抄

按武邑學田歷皆捐產銀米統括此內另詳學校書院
兩門

一人丁原額壹萬壹千肆百玖拾玖丁每丁編銀壹錢柒
分貳釐叁毫叁絲貳忽叁纖 原共編銀壹千玖百捌
拾壹兩陸錢肆分陸釐內除原逃亡叁百肆拾貳丁該
減銀伍拾捌兩玖錢叁分柒釐陸毫於節屆編審新收
人丁抵補過壹百叁拾柒丁共抵補過銀貳拾叁兩陸
錢玖釐伍毫尙缺逃亡貳百伍丁尙該減銀叁拾伍兩

三錢貳分捌釐壹毫

見在人丁壹萬壹千貳百玖拾肆丁計編銀壹千玖百肆拾陸兩叁錢壹分柒釐玖毫

一婦女原額壹萬捌拾肆口每口編銀捌釐叁毫柒絲玖忽伍微捌纖 原共編銀捌拾肆兩肆錢玖分玖釐伍

毫又節屆編審新增婦女壹拾貳口增銀壹錢伍毫 見在婦女壹萬玖拾陸口計編銀捌拾肆兩陸錢

一優免人丁原額陸百壹拾伍丁每丁徵銀柒分柒毫壹絲貳微叁纖計編銀肆拾叁兩肆錢捌分陸釐捌毫又

於

順治拾肆年奉文補徵免外扣解不准紳衿優免丁銀玖兩陸錢伍分叁釐貳毫

共計丁口銀貳千捌拾肆兩伍分捌釐於

康熙五十二年欽奉

恩詔以五十年丁冊定爲常額續生人丁永不加賦

雍正五年奉文丁銀攤派通省地糧內均勻帶徵凡遇五年編審將陞減各數照例均攤於

乾隆三十七年停止編審每五年奉行攤丁一次每次增添減除不一至

道光二年止共減丁銀壹百柒拾玖兩柒錢肆分肆釐實

徵丁銀壹千玖百肆兩叁錢壹分肆釐 又應徵匠班

正脚銀叁拾肆兩玖錢叁分肆釐 本折色物料銀壹

拾兩玖錢柒分

一兵折項下

濟造折色兵米壹千零陸拾陸石捌斗每石折徵銀陸錢共該折銀陸百肆拾兩捌分 濟運折色兵米伍百捌拾貳石叁斗貳升玖合伍勺每石折徵銀陸錢共該折銀叁百肆拾玖兩叁錢玖分捌釐 裁兵餘剩折色米玖拾伍石壹斗陸升捌勺每石折銀陸錢共該折銀伍拾柒兩玖分柒釐

前件共米壹千柒百肆拾肆石貳斗玖升叁勺共該銀壹千零肆拾陸兩伍錢柒分伍釐

以上通共田地山塘人丁兵折等項大共徵銀貳萬玖百陸拾壹兩柒錢叁分柒釐遇閏增徵銀捌拾陸兩柒分貳釐

一起運各款項下

布政司衙門

地丁銀壹萬陸千伍百陸拾肆兩玖錢柒分壹釐遇閏增解銀叁拾捌兩伍錢玖分捌釐

脚耗銀壹百壹拾叁兩伍錢柒分伍釐遇閏增解銀壹錢玖分貳釐

折色物料銀伍拾兩叁錢叁分叁釐

額辦細數詳后

督糧道衙門

隨漕三六輕賫等款銀壹千柒百壹拾兩肆錢柒分肆釐

額辦細數詳後

濟造濟運裁兵餘剩兵折銀壹千肆拾陸兩伍錢柒分伍釐

南昌府衙門

本色物料銀叁兩陸錢陸分貳釐額辦細數詳后

一存留經費雜支項下

官俸役食祭祀香燭鄉飲歲貢酒禮廩生餼糧孤貧口

糧各款共銀壹千壹百玖拾叁兩壹錢肆分柒釐遇閏

增銀貳拾肆兩叁分貳釐細數詳后

驛站裁存各款共銀貳百柒拾玖兩遇閏增銀貳拾叁

兩貳錢伍分解給細數詳后

以上解給各款共銀貳萬玖百陸拾壹兩柒錢叁分柒釐

原額折色起運戶禮兵工四部銀柒千伍拾玖兩捌錢柒

釐原新陞田畝扣抵荒亡銀叁兩叁錢伍分壹釐外尙

荒銀玖拾兩伍錢肆釐實徵銀陸千玖百陸拾玖兩叁

錢叁釐

改抵兵餉銀捌千壹百伍十四兩玖錢捌分壹釐

會議裁解銀貳百叁拾捌兩

匠班改歸地糧銀叁拾肆兩玖錢貳分柒釐

本折色時價及核減原價正脚銀壹拾兩玖錢柒分

先後奉裁官役俸工襍支驛站等款銀壹千柒百伍拾

叁兩伍錢陸分捌釐

扣解不准紳衿優免丁糧銀捌拾伍兩玖錢叁分玖釐

節年墾補及額外添入新增共銀陸拾貳兩捌錢玖分

伍釐

以上各款實徵銀壹萬柒千叁百壹拾兩伍錢捌分叁釐

內除人丁攤派有糧屬縣減徵銀壹百柒拾玖兩柒錢

四分四釐買辦本色物料銀叁兩陸錢陸分貳釐原編

并新增

文昌帝君品儀歸入經費項下銀貳百捌拾陸兩柒錢壹分壹釐

起運地丁銀壹萬陸千伍百陸拾肆兩玖錢伍分捌釐

驛站銀壹百壹拾壹兩陸錢

脚耗銀壹百壹拾叁兩伍錢柒分伍釐

折色物料正墊水脚銀伍拾兩叁錢叁分叁釐

一耗羨項下

額徵地丁隨漕兵折等欸錢糧共銀貳萬玖百陸拾壹兩柒錢叁分柒釐每銀壹兩帶徵耗銀壹錢實徵耗銀貳千玖拾陸兩壹錢柒分肆釐

司庫項下

奉文每正銀壹兩解銀肆分叁釐餘歸尾批解足實額解銀捌百叁拾肆兩肆錢柒分遇閏增解

道庫項下

額解隨漕耗銀壹百柒拾壹兩零肆分柒釐兵折耗銀壹百零肆兩陸錢伍分柒釐

支給項下

知縣養廉銀捌百兩

縣丞養廉銀陸拾兩

典史養廉銀陸拾兩

巡檢養廉銀陸拾兩

常雩祭祀銀陸兩

以上解給共銀貳千玖拾陸兩壹錢柒分貳釐

一加徵無耗兵折項下

乾隆五十年九月奉

部咨覆德安等縣減徵餘租加徵折色價銀抵補案內每石兵米加銀壹錢玖分貳釐捌毫玖絲貳忽貳微陸纖零以乾隆肆拾捌年加徵起查武邑原有濟造濟運併裁兵餘剩兵米共壹千柒百肆拾肆石貳斗玖升叁勺向例每石徵銀陸錢共徵銀壹千零肆拾陸兩伍錢柒分伍釐今每石加銀壹錢玖分貳釐捌毫玖絲零共加徵兵折銀叁百叁拾陸兩肆錢陸分緣武邑從前扣徵地丁隨漕兵折等欸錢糧原未按照田地山塘各則頃畝核算歷以花戶正米扣數徵收此項加徵兵折仍按照各花戶名下正米核扣每石加徵銀壹分肆釐玖毫零壹忽肆微零又於五十一年四月內奉准部覆德安等縣減徵餘租加徵兵折銀兩另欸徵收不得同原徵兵折一併徵耗以廣

皇仁行文在案

隨漕欸目歸漕運

詳兵衛門

一現辦本色物料

甲字庫

額辦銀硃陸觔陸兩伍錢每觔價銀肆錢陸分

該正銀貳兩玖錢肆分陸釐捌毫柒絲伍忽 鋪墊銀

貳錢肆分陸毫貳絲伍忽 水脚銀捌分貳釐伍毫壹

絲貳忽伍微

共銀叁兩貳錢柒分壹絲貳忽伍微

五倍子壹拾貳兩柒分肆毫每觔價銀叁分伍釐

該正銀貳分陸釐肆毫肆忽 鋪墊銀叁釐玖絲叁忽

柒微伍纖 水脚銀柒毫叁絲玖忽叁微壹纖貳沙

共銀叁分貳毫叁絲柒忽陸纖貳沙

紫草貳兩每觔價錢叁分壹釐

該正銀叁釐捌毫柒絲伍忽 鋪墊銀壹分叁釐柒毫

伍絲 水脚銀壹毫捌忽伍微

共銀壹分柒釐柒毫叁絲叁忽伍微

丁字庫

額辦桐油壹拾觔玖兩伍錢肆分壹釐肆毫肆絲每觔

價銀叁分

該正銀叁錢壹分柒釐捌毫玖絲貳微 鋪墊銀壹分

柒釐貳毫柒絲柒微貳纖 水脚銀捌釐玖毫玖微貳

纖伍沙陸塵

共銀叁錢肆分肆釐陸絲壹忽捌微肆纖伍沙陸塵

以上本色物料正墊水脚共銀叁兩陸錢陸分貳釐肆

絲肆忽玖微柒沙陸塵

一折色物料項下

改折物料同前未復本色物料各欸與核減原價時價

儻停辦烏梅明礬紅熟銅等欸大共折色物料正墊水

脚共銀伍拾兩叁錢叁分叁釐肆毫壹絲捌忽陸微捌

纖貳沙肆塵

一存留解給項下

嘉慶五年奉文存縣坐支以免領解往
返之繁

經制吏書庫門皂壯馬快禁卒轎傘燈夫及承典員下

書門皂隸馬夫學書工食每年每名額載工食銀柒兩貳錢

順治玖年四月內會議每名裁減壹兩貳錢充餉每名每歲給銀陸兩

康熙元年奉文各衙門吏書工食全裁充餉

本縣知縣項下

俸銀肆拾伍兩

署員無俸若無缺之員署無員之缺全支各員皆同

門子二名工食銀壹拾壹兩捌錢

皂隸壹拾肆名工食銀捌拾貳兩陸錢

件作壹名學習件作二名工食銀壹拾壹兩捌錢

馬快捌名工食銀肆拾柒兩貳錢

民壯壹拾叁名工食銀柒拾陸兩柒錢又增給置備器

械火藥銀貳拾陸兩共銀壹百貳兩柒錢

看監禁卒柒名工食銀肆拾壹兩叁錢

轎傘扇夫柒名工食銀肆拾壹兩叁錢

斗級肆名工食銀貳拾叁兩陸錢

庫子肆名工食銀貳拾叁兩陸錢

本縣縣丞項下

俸銀肆拾兩

門子壹名工食銀陸兩

皂隸肆名工食銀貳拾肆兩

馬夫壹名工食銀陸兩

本縣典史項下

俸銀叁拾壹兩伍錢貳分

門子壹名工食銀陸兩

皂隸肆名工食銀貳拾肆兩

馬夫壹名工食銀陸兩

高坪巡檢項下

雍正叁年增設

俸銀叁拾壹兩伍錢貳分

皂隸貳名工食銀壹拾貳兩

弓兵壹拾壹名工食銀貳拾捌兩陸錢遇閏加銀貳兩

叁錢捌分叁釐

本縣儒學項下

教諭壹員 訓導壹員 俸銀各肆拾兩共捌拾兩

齋夫叁名工食銀叁拾陸兩

門斗二名工食銀壹拾肆兩肆錢

縣學廩生貳拾名廩糧銀肆拾兩遇閏加銀叁兩叁錢叁

分叁釐

文廟朔望香燭銀壹兩捌錢遇閏加銀壹錢伍分

春秋祭祀銀捌拾貳兩貳錢陸分伍釐捌絲內

文廟祭祀銀肆拾壹兩貳錢肆分肆釐肆毫

崇聖祠祭銀陸兩

名宦 鄉賢 貳祠祭銀肆兩貳錢貳分壹毫捌絲

忠義 節孝 貳祠祭銀肆兩

社稷壇祭銀捌兩

神祇 風雲 雷雨 城隍 等壇祭銀捌兩

邑厲壇祭銀壹拾兩捌錢

武廟祭祀品儀銀肆拾兩

前件春季祭品銀壹拾叁兩叁錢叁分肆釐

誕辰祭品銀壹拾叁兩叁錢叁分叁釐

秋季祭品銀壹拾叁兩叁錢叁分叁釐

新增備祭

文昌帝君品儀銀貳拾陸兩

春秋二祭各支銀壹拾叁兩

春冬鄉飲酒禮銀伍兩玖錢柒分肆釐伍毫

前件未舉批解
布政司庫

歲貢酒禮銀貳兩伍錢

改編吹手四名工食銀壹拾玖兩陸錢陸分陸釐柒毫

遇閏加銀壹兩陸錢陸分陸釐肆毫

一 養濟院

孤貧伍拾伍名口每名每日給銀壹分共給銀壹百玖

拾捌兩扣除小月建批解司庫遇閏增銀壹拾陸兩伍

錢

以上經費雜支各欸共銀壹千壹百玖拾叁兩壹錢肆

分柒釐

一 驛站項下 詳驛監

原額銀貳百柒拾玖兩遇閏增銀貳拾叁兩貳錢伍分

內奉裁解遞夫工食銀肆拾叁兩貳錢 差馬草料銀

伍拾柒兩陸錢 馬夫工食銀壹拾兩零捌錢

以上三款共銀壹百壹拾壹兩陸錢遇閏增銀玖兩叁

錢奉文歸入地丁項下批解布政司庫

存設舖兵叁拾壹名額給工食銀壹百陸拾柒兩肆錢
遇閏增銀壹拾叁兩玖錢伍分扣除小建歸入地丁批
解布政司庫

一水手

會試舉人每名額支水手銀壹拾柒兩 遇會試之年
赴縣請領於起解地丁銀內開銷

一原額屯丁

南昌左衛屯丁肆名每名編銀壹錢柒分貳釐叁毫叁
絲貳忽叁纖計編銀陸錢捌分玖釐叁毫於

雍正五年奉文攤派有屯糧屬縣帶徵

一民糧

現在成熟田地山塘共伍千捌百肆拾頂伍拾柒畝貳

分叁釐陸毫貳絲

共科民糧貳萬貳千伍百柒拾玖石肆斗貳升陸合肆
勺貳抄叁撮

每米壹石徵地丁銀捌錢零陸釐貳毫伍絲伍微玖纖
隨漕銀柒分伍釐柒毫伍絲叁忽捌微 兵折銀肆

分陸釐叁毫伍絲壹忽壹微肆纖遇閏增銀正閏銀叁
釐捌毫壹絲貳忽

一武寧錢糧原分東西南三倉編列伍拾伍都畜差議不

一每都畜分列拾遞每年正月內推收房將實徵底冊
付交糧房按照各花戶米數扣徵糧銀填寫易知由單
送署印發議都交單首轉散自行按遞催輸差都發交
各都差散給各花戶照數輸納每都繕寫欠冊壹本印

發各都差按名催輸知單辦竣糧房繕寫實徵的冊磨對清楚送署印發糧房將各花戶完納銀數照依二聯票號銀數填入各花戶夾串呈送核銷

一開徵後皂快兩班班首各於本班內擇其勤慎散役開列名單交糧房彙單送署聽候當堂闔僉都分催趨錢糧

一發知單欠冊後糧房設立比簿繕送比牌聽候示期或三八日或四九日比較每逢比期糧房核算完欠填註比簿呈送查比各班首帶同各都催差聽候當堂比較一議都每都分爲十限按年輪充單首自行督催每歲開徵後單首遞具承管上半年五限下半年五限依限完納如有違誤提單首比追

一雜稅錢糧項下

田房稅契原無定額例按民間賣買產業契價每兩納稅銀叁分儘收儘解

當稅銀拾兩儘收儘解內伍兩乾隆貳拾肆年署知縣周元愷詳請增設

牛稅銀陸兩叁錢

牙稅銀貳拾貳兩

茶課銀陸兩肆錢伍分紙價銀壹錢肆分叁釐壹毫玖絲

按前志此項從前每年奉頒茶引貳拾肆道額解茶課紙價銀叁兩陸錢柒分玖釐玖毫貳絲按西南兩倉產茶各都派追歲徵銀至陸兩陸錢及雍正捌年知縣田

大璽因見徵解有餘詳請增引壹拾玖道增解銀貳兩玖錢壹分叁釐貳毫柒絲至雍正玖年知縣吳之彥接任洞悉武邑向無茶商舖戶領引辦課凡田頭山脚產有茶者差役經催藉端需索較納於官幾至數倍事關正供未便違例請豁爰示免徵代為捐解嗣後歷任愛民循舊代解滋擾悉杜矣

一蠲免

康熙叁拾叁年欽奉

皇恩蠲免漕糧正改副耗米壹萬叁千玖百陸拾貳石玖斗

乾隆拾叁年欽奉

皇恩蠲免地丁起存各款銀壹萬捌千貳百叁兩捌錢捌釐隨漕兵折仍徵完解地丁項下加壹耗羨緩至次年帶徵

起解

乾隆叁拾叁年欽奉

皇恩蠲免漕糧正改副耗米壹萬叁千柒百玖拾陸石玖斗肆

升柒合陸勺

乾隆叁拾陸年欽奉

皇恩蠲免地丁起存各款銀壹萬捌千貳百肆兩柒錢伍釐隨漕兵折耗羨仍遵舊例徵解

乾隆肆拾肆年欽奉

皇恩蠲免地丁起存各款銀壹萬捌千貳百叁兩玖錢柒分陸釐

乾隆肆拾柒年欽奉

皇恩蠲免漕糧正改副耗米壹萬叁千柒百玖拾捌石玖斗叁

釐

乾隆肆拾柒年欽奉

皇恩蠲免漕糧正改副耗米壹萬叁千柒百玖拾捌石玖斗叁

升柴合

乾隆伍拾伍年欽奉

皇恩蠲免地丁銀壹萬捌千貳百叁兩玖錢柒分陸釐

乾隆陸拾年欽奉

皇恩蠲免漕糧正改副耗米壹萬叁千柒百玖拾捌石玖斗叁

升柴合

嘉慶肆年欽奉

皇恩蠲免地丁銀壹萬捌千貳百叁拾兩

附戶口

宋武寧縣主客戶叁萬壹千貳百叁拾壹口壹拾壹萬陸

千玖百肆拾玖名

元不可攷

明洪武拾肆年貳拾肆年戶陸千肆拾玖口叁萬叁千伍

百壹拾伍歷成化宏治正德嘉靖萬歷間增減互異

萬歷叁拾陸年編成丁壹萬貳千壹百壹拾肆丁婦口壹

萬捌拾肆口

國朝順治拾叁年康熙叁年原額人丁壹萬貳千壹百壹拾

肆丁婦女壹萬捌拾肆口康熙伍拾貳年欽奉

恩詔以伍拾年丁冊定爲常額續生丁口造入滋生冊內永不

加賦

康熙伍拾伍年起至乾隆肆拾陸年土著煙戶棚民共壹

拾捌萬柒千壹百叁拾玖名口節年滋生至

道光貳年止實在人丁貳拾萬零壹千伍百叁拾肆名口

計叁萬柒千貳拾貳戶

按前志凡戶口向有丁役舊志別立丁冊照丁零星分徵其間死喪逃亡不一頗滋煩擾自雍正間丁隨糧派各地均攤凡有糧者當丁遂無徵丁之條又兵折壹項原隨漕徵今亦併入地糧合徵而民稱便矣

按前志攷武寧田賦宋元以前無明文可考元末陳友諒竊據南瑞袁三府地少兵多倍徵橫斂有明三百年相沿未改順治二年巡按吳公十年巡按蔡公先後題請袁瑞邀減而南昌因無宋元志書可查未及同題十七年楊鳴鶴等呈減而故宦熊文舉主議素與武寧有隙因誣武寧爲友諒生身之地並未加浮此禍根之所由伏也康熙六年七屬僞造宋志胡獻隆等復踵熊議叩閣請減部駁行查內有武寧一縣何以並未加浮等

語時里民張世甲具控前令馮兩次詳明卒以彼此異議相持不定均未從減馮令告休著呼風錄以鳴其鬱情辭激切至今尙存民間雍正三年七屬密請具題議減米銀亦奉部駁有武寧小縣旣未加浮何至應徵漕米有壹萬叁千之多後來題覆專議減銀一半米全不減以部駁切當無從置辦故也其減銀之數南新豐進奉每石減貳錢叁分有零寧靖減壹錢玖分有零共減銀柒萬伍千伍百餘兩而武寧不與焉後控各憲因已經題定未蒙申白嗣巡撫俞公具題全減奉

旨俞允發撫司酌議武邑始知經控前令吳兩次詳請而本府吳公駁回隨控巡撫俞公蒙批准存案候查明會題復加批仰藩臬二司速議詳奪適俞公內陞其議遂寢臨

去時立有撫江三恨碑武寧浮糧未減其恨一也其碑
後爲當道毀去續控巡撫岳公蒙批七屬浮糧旣經前
院兩次題豁如果武寧亦屬有浮因何並不附詳一體
題達仰南昌府確查報而吳公仍碍前議詳覆無浮不
思武寧同隸南昌浮則俱浮烏有獨浴宋額之理至於
友諒生身正史綱鑑從信錄諸書俱載湖廣沔陽州漁
人子玉版金匱非同稗書又省志載武寧胡紹遠與友
諒戰於建昌麻潭洲不克死之等語確鑿可憑以

朝廷大沛數百年未沛之恩爲大臣者奉法順流不據信史
而牽拘無稽之浮言忍使武寧一邑含冤負屈卒不得
白耶且當日友諒據有荆楚又兼南瑞諸郡兵威之盛
大江以南殆莫與京若武寧係其故土友諒必出全力

經營父母之邦區區紹遠何能與之角旗鼓爭數年雌
雄乎舊志載紹遠兄弟倡義保障鄉里五年至麻潭敗
北始爲僞漢所有則武寧不特非友諒生身之地而且
爲友諒仇讐之邦矣友諒以暴戾恣睢之人所爲竊據
者尙浮額以徵而謂深仇積怨之區反蒙矜恤獨不加
浮乎蓋理之所必無也且寧州武寧原屬一縣武寧田
地山塘共伍千捌百叁拾貳頃寧州田地山塘伍千肆
百柒拾玖頃地方田畝相符糧賦彼此如同一同是赤子
寧州邀恩獲減而武寧獨外覆幬此九鄉黎庶所爲呼
號痛哭無時暫已也蓋由邑小民貧氣力微聞風聲不
能得七屬之先號籲往往在題達之後故翳蔽而不見
天日者如此之久也歷任上憲雖明知武寧向隅亦以

久定之案轉移艱難唯有惻然太息付之無可如何而已其禍始於一人射影之毒成於衆力下石之厄卒至沈抑深淵坐令數百年積困不得少甦尙冀諸鉅公畱心民瘼痛癢一體攷先朝信史釋偏隅重累使陰崕窮谷均沾我

朝恩施則待罪茲土者有厚幸焉知縣嚴在昌記

據舊志載熊文舉新建人明末避亂靖安山中爲盜所窘踪跡之至自武寧遂深銜之至請減浮時而文舉已顯貴因誣友諒爲武寧生身之地而自後請減者必踵襲舊議可勝嘆哉

